

LEONCITA A HAYA 10 MIL M2 DI TERENO NA BALASHI

4.4 miyon florin a bay den saco di compania “amigo” di Otmar

OTMAR A NENGA DI DUNA CONTESTA NA XIOMARA

Evelyn Wever-Croes na Hulanda:

**Mi mision ta pa lucha pa
bienestar di pueblo di Aruba**



CABAY BLAUW GEVERF COMO ACCION DI PROTESTA CONTRA HUSTICIA

*Dos mucha muher a wordo
viola y polis no kier actua*



Parlamentario di MEP, mr. Xiomara Maduro:

**Mester investiga Minister
Oduber su envolvimento
den e negoshi cu e logo di
Pais Aruba**

Dangui Oduber, parlamentario di MEP:

Minister Otmar NO ta transparente y ta escondiendo hopi informacion!

Minister Otmar Oduber tabata presente den sala di parlamento pa contesta preguntanan cu a wordo haci pa fraccion di AVP durante un "vragenuur". Fraccion di MEP a dirigi 25 pregunta por escrito na Otmar Oduber y nos ta spera cu mes liher cu el'a yega parlamento pa atende cu su fraccion, e contesta nos preguntanan. Durante e reunion un biaha mas a keda demostra e falta di transparencia cu tin y tambe e scondemento di informacion cu tin. Na momento cu un miembro di parlamento ta haci un pregunta na minister, segun nos constitucion, e minister mester contesta e pregunta aki. Lamentablemente Otmar Oduber no tin respet pa parlamento pasobra no solamente e ta gaña den sala di parlamento sino e no ta contesta pregunta cu wordo haci den su

direccion. Fraccion di MEP a haci Otmar Oduber un pregunta relaciona cu e cantidad di placa cu ta wordo paga door di ATA na e compania di e intimo amigo (ruman) di Otmar Oduber cu ta Damox N.V. Segun e propio minister ATA ta cumpra na "merchandise" 28.7% cerca e compania Damox N.V. Na momento cu a puntra e minister cuanto esaki ta na placa, e no kier a contesta y manera custumber a bira falso, fresco y arogante. Otmar Oduber mas bien a bira un hende cu no tin caracter, no tin palabra y no tin principio. Na momento bo ta gaña muri, gaña retira y keda toch como minister apesar nada no a cambia y awor gaña hiba un periodista corte su palabranan a manera biento. Nada cu e bisa of menciona no por kere sin mas. Dicon mester tin



secrecia pa pueblo? Dicon e no kier bisa of menciona cuanto placa ATA ta paga Damox na momento e cumpra merchandise cerca nan??


Otmar Oduber kier pretende y haci comosifuera nada irregular a tuma lugar cu e logo di nos pais. Waak cuanto konkelmento tabata tin cu e compania di Otmar Oduber. Waak kende a gana e bid pa e logo di Aruba. Waak despues diripiente compania ta wordo cambia y ta otro compania ta cera e licentieoverkomst cu ATA. Waak ki dia Damox a wordo inscribi na Camara di Comercio. Waak e

fecha cu ATA a informa comunidad cu Graphix and Beyond a gana e bid pa logo di Aruba.

Graphi-x a wordo cancela na 2009. Pero toch Graphi-x (cu desde 2009 NO ta existi mas) ta gana aanbesteding na 2010, y despues Graphi-x ta pasa pa un otro doño na 2011 na 2011 Graphi-x a pasa tur cos pa un compania nobo cu ta Damox NV..di cual doño ta Ralph Maduro!!!! Tur e companianan aki tin e mesun adres, ta usa e mesun edificio, e mesun computernan, e mesun printer pero segun nan, tur esaki ta legal. ATA ta haci negoshi cu Graphix and Beyond, Printshop y

Damox N.V. y coincidencia of no, tur e companianan aki ta di e intimo amigo di Otmar Oduber y e cosnan aki, segun e minister no ta nada straño.

Loke nos ta boga pe ta transparencia y na e momentonan aki Otmar Oduber tin hopi mas splicacion pa duna. Na momento cu un minister ta nenga di contesta preguntanan den parlamento y kier sconde informacion pa parlamento ta pasobra e tin miedo parlamento yega na e raiz y pueblo haya sa con Otmar Oduber a usa fondonan publico pa enriquece su amiguito.



CLEAN N GO FAST
WE CLEAN TO PERFECTION

Servicio di limpieza
Servicio Rapido y Honesto

Ta Bende Toyota Yaris nan

MODEL NAN NOBO. AUTOMATIC .AIRCO FRIEUW . AUTO NAN AKI TA DEN SUPER BON CONDISHON PADEN Y PAFO .

MOTOR , TRANSMISHON Y LO DEMAS TA DEN BON CONDISHON

COLOR NAN SHINISHI Y BLANCO.

PRIJS 9800 FLORIN NEGOCIABLE

JAMA
AWOR NA
:5694343

Aruba Quality Deals
Vehicle & Nautical
Cel: +297-5694343 / +297-7418669

WAREHOUSE FOR RENT

435 m2

Location Sta. Cruz

Price: Afl. 15 p/m2

info:

caribbean297@gmail.com

Patronahe politico pa amigo y compinchinan; rumannan Arends ta piratiando tur tereno na Aruba

LEONCITA A HAYA 10 MIL M2 DI TERENO NA BALASHI

PIRATANAN DI CANAL 90 TA HAYANDO TUR TERENO NA ARUBA! CUANTO VOTADOR DI AVP TA SPERANDO TERENO? LEONCITA TA HAYA 10.000 M2.. VAP VAP... 1-2-3.

Manera cu SOLO DI PUEBLO a publica den su edicion di ayera, poco poco ta yegando documentonan den nos postbus, cu ta mustrandu e direccion robz cu e gobierno di AVP a cana.

LEONCITA A HAYA 10 MIL M2 DI TERENO NA BALASHI:

Riba e documento aki, pueblo mes por ta testigo, con dia 2 di Februari 2015, e locutora di radio cu ta grita na favor di pueblo, a converti su mes den un lobo.

Un LOBO bisti den LAMCHI. Sin ningun sorto di berguena, e locutora aki a manda pidi 10.000 m2 di tereno na Barcadera/Balashi.

Ademas e no a pidi pa haya 500m2, pero 10.000 m2. Esaki nos ta yama PLUNDER, esaki nos ta yama PIRATA, esaki nos ta yama LADRONCITA.

SOLO DI PUEBLO ta asegura cu esaki no ta e unico tereno cu Ladroncita a haya, pasobra el'a te hasta usa su yiu muher pa asina e haya un OTRO 10.000m2 na Sasakiweg. Esaki no ta e 10.000m2 cu nos a publica ayera, cual ta di Dario Arends di Interprint.

Pues, riba e documento adhunto, PUEBLO mes por lesa y haya sa, ken ta LADRONCITA ARENDS. Kico e kier bisa pueblo awor? Unda su protocol a keda cu el'a firma cu Mike?

Awe nos ta realiza, cu e gritonan di Ladroncita, tabata gritonan pa asina e enrikece su mes cu placa y tereno

di pueblo.

Ladroncita ta e persona cu mas a instiga contra Gobierno di Nel Oduber.

Te mes un partido AVP aki, a lanza masha hopi critica riba Marisol Lopez - Tromp. Marisol Lopez - Tromp a wordo insulta door di e propio Ladroncita aki, te cu Marisol mester a bay huez pa exige rectificacion.

E tempo ey, Partido AVP a muestra riba e hecho cu Marisol ta abusa cu tereno di pueblo.

Dia Mike Eman a yega na poder, Mike a bay asina leu pa bay te Hulanda, busca WODC pa bin traha un rapport riba Gobierno di MEP, pero mas bien riba Marisol Lopez - Tromp.

E rapport tabata papia cu Marisol Lopez - Tromp tabata privilegia cierto personanan cu tereno.

Awe nos ta puntra Mike Eman, cu ta cabez di Gobierno: KICO A CAMBIA?

Esaki ta loke Mike Eman tabata kier meen? Cu e mester yega na poder pa asina e dal pueblo un skop den nan lomba, y pe cuminza fix su amigo y compinchinan?

Que hubo di otro Avepistanan? Acaso no tin mas Avepista rond Aruba cu tambe a campaña? Pega bandera, claba borchu? Dicon nan no por haya un pida di e tereno aki?

Cuanto famia tin den AVP cu ta sperando pa mas cu 10 aña riba un pida tereno?

Con Partido AVP por ta asina ASKEROSO? Pa abiertamente fix e doñonan di Partido, asina tanto tereno?

Den e peticion aki, Ladroncita ta pidi 10 mil... 10 mil meter cuadra di tereno na Balashi. Ta pa haci kico? Ta pe bende cu Grupo Chines? Haci negoshi cu tereno di pueblo? Na Sasaki Weg e mes Leoncita a haya

Aanvraagnummer:



FORMULIER OPTIE/ERFPACHT

Aan: de Minister van Ruimtelijke Ontwikkeling, Infrastructuur en Integratie
Oranjestad
Aruba


Ondergetekende, verzoekt u hierbij om hem in erfpacht uit te geven een perceel grond, voor het daarop optrekken en hebben van een betonstenen asfalt bedrijf.

Naam en voornamen : ARENDS, Maria Leoncita
Handelende voor en namens :
Persoonsnummer (bedrijf of stichting) : 2083390
ID nummer (vertegenwoordiger) :
Adres en telefoonnummer : Sero Blanco no. 54-D, tel: 6900990
Geboorteplaats en datum : Aruba, 15-09-1956
Omschrijving en grootte : Barcadera/ Balashi 10.000 m²
Commentaar :

Oranjestad, 25-02-2015

FDK

Handtekening ondergetekende,



Nota: conform het beleid inzake de uitgifte van terreinen voor commerciële doeleinden dient u naast het invullen van dit formulier tevens een verzoekschrift te richten aan de minister van Ruimtelijke Ontwikkeling, Infrastructuur en Integratie door tussenkomst van de directeur van de Directie Infrastructuur en Planning, binnen 30 dagen na dagtekening van dit formulier*, met de volgende gegevens van uw project:

tereno tambe, cu segun nos, tambe ta otro 10.000 m2. Dario Arends tambe a haya tereno na Sasakiweg. Esakinan ta sin conta e terenonan di Stanley Arends, pasobra nos ta bin pa Stanley tambe. E hendenan aki ta mescos cu carpata cu ta chupa sanger di pueblo pa nan biba! Nos ta spera cu pueblo por REALIZA... REALIZA... cu tin 10.000 m2 di tereno pa Leoncita, pero NO TIN PA SU OYENTENAN! Hasta cuando cu e sin escrupolonan aki?

Opinion di Lider di PDR, mr. Andin Bikker:

Minister Otmar Oduber mester tin lomba hanchu y absorba critica

Partido Democracia Real a tene su conferencia di prensa semanal diamars, caminda sr. Andin Bikker a cuestiona e manera di proceder di Minister Otmar Oduber tocante libertad di expresion y particularmente libertad di prensa, cu ta fundamental den un Estado di Derecho, manera nos tin na Aruba.

Andin Bikker no a bay den detaye tocante e asunto pasobra ayera merdia esaki a wordo trata den parlamento y e tin entendi cu un keho a bay pa Ministerio Publico.

Bikker cu palabra bon cla a splica cu den PDR su concepto libertad di expresion y libertad di prensa ta algo fundamental pa nos democracia. Democracia no ta cada cuater aña so,

ora tin eleccion. Democracia tambe ta cu mandatarionan ta na escrutinio di prensa, cu tin un funcion fundamental den un Estado di Derecho, di acuerdo cu su palabranan. PDR a tuma nota cu Minister Oduber, directo y indirectamente, pa via di manda carta na medionan di comunicacion of canal di television, a eherce presion pa cambia opinion di un of mas periodista pasobra e ta kere cu ta e tin razon.

Bikker a expresa: "Den nos concepto, esaki ta hopi peligroso pa nos libertad di expresion y libertad di prensa, pasobra na final di dia diferencia di opinion ta sano, y como mandatario mester tin lomba hanchu y wanta criticanan riba kico



ta wordo cuestiona. Pero no por ta asina cu bo ta purba usa bo poder, directo of indirectamente pa influencia opinion".

Den un estado di derecho tin e libertad pa evalua caso, pero purba influencia e opinion di prensa ta algo cu PDR como partido

y como fraccion ta haya inaceptabel y condenabel.

Esaki NO ta funciona den 2016 den un democracia sano, el' bisa. "Aki na Aruba nos no tin despota cu ta manda riba nos. Nos tin mandatario cu ta wordo eligi y nombra door di Parlamento, y mester respeta Estado di Derecho, libertad di opinion y libertad di prensa" Parlamentario Andin Bikker a pone acento.

Finalmente, el'a bisa cu den e dimension aki e mandatario mester reflexiona riba su manera di anda cu prensa, y en todo caso absorbe un tiki mas e escrutinio di e libertad cu ta wordo eherce a base di libertad di expresion y libertad di prensa.

Turista cu tabata jog a dal abao banda di caminda, dilanti di La Cabana



Diamars mainta a drenta informe di un turista cu tabata jog cu a cay. El'a kibra su braza. Mesora a dirigi tanto polis como ambulance pa e sitio. Na yegada di e patrulla, nan a

bin comprende cu e turista tabata jog y a trompica y a dal abao. Den e caida e turista a kibra su braza. Na yegada di e ambulance, nan a atende y transport'e pa hospital.

Lo aparece den Corte di Prome Instancia dia 7 di April 2016

Pa 8:30 am: B.A.B. ta wordo acusa, conhuntamente cu un otro of otronan, kiebri y ladronia den un tienda di cahanan y/of placa y/of kaarchinan di telefon riba 10 di November 2015.

Pa 9:00 am: F.N.F.P. ta wordo acusa di a maltrata un persona riba 16 di September 2015 y riba 15 y 16 di Juni 2014, door di dal e cu golpi.

Pa 9:30 am: J.J.C. ta wordo acusa di a destrui un bentana riba 16 di Maart 2014.

10:00 am: E.A.B. ta wordo acusa di, conhuntamente cu un otro of otronan, intento di

ladronia den un tienda riba 12 di November 2015.

10:30 am: P.S.G. ta wordo acusa di posesion di cocaine riba 7 di Juni 2014.

11:00 am: R.G.F. ta wordo acusa di a maltrata un persona cu un arma door di hinke varios biaha na su man y/of a dal e cu mokete na su curpa riba 4 di Mei 2015. E ta wordo acusa di a menaza un persona cu morto riba 4 di Mei 2015, oor di coy un cuchiu y zwaai cu ne y bisa e persona: "Te voy a matar y si no te mato, yo voy a mandar alguien que te mate".



OPENBAAR
MINISTERIE
ARUBA

G.F. ta wordo acusa di a maltrata un persona riba 28 di Februari 2015, door di dal e cu mokete.

11:30 am: E.G.S. ta wordo acusa di kiebri y ladronia den un cas di placa, joyas, un botter di Frangelico y otro pertenencianan di hende riba 11 di Juli 2015.

Negoshi grandi a wordo haci cu ATA

4.4 miyon florin a bay den sacco di compania “amigo” di Otmar

Durante di un reunion di parlamento cu a tuma lugar ayera merdia, Minister Otmar Oduber a duna splicacion riba e negoshi cu logo di pais Aruba.

Pa loke ta trata e informacionnan cu a keda presenta, por conclui cu e compania “amigo” di Otmar Oduber, a bende un total di 4.4 miyon florin na asuntonan di logo.

For di e suma aki, ATA (lesa ARUBA) a haya 4%. E 4% aki ta bira un total di Afl. 176.000.00. Loke a resta pa e compania “amigo” di Otmar, ta alrededor di 4.2 miyon florin.

Cu e informacion aki, PUEBLO di Aruba por haya algun idea di koco ta kico cu e negoshi aki, cual ta un negoshi cu ta genera masha hopi placa.

Esaki ta loke Nelson Speed Andrade tabata puntra! Na prome momento, el a puntra riba “Graphics & Beyond”, cual a wordo nenga rotundamente dor di Otmar. Sinembargo, ayera den Parlamento, Otmar mes ta splica cu di berdad cu ta G&B mes a haya e negoshi, cual despues a wordo cambia pa Damox Nv. Hecho ta cu e compania aki ta retene un ganashi masha grandi mes, generando un beta di 4.4 miyon florin di 2011 pa 2014.



Parlamentario di MEP, mr. Xiomara Maduro:

Mester investiga Minister Oduber su envolvimento den e negoshi cu e logo di Pais Aruba

Awor cu a bin un disputa entre Minister Oduber y e periodista Speed, Pueblo a haya e oportunidad unico di tende pregunta skerpi di e periodista den direccion di e mandatario. Sinembargo e contestanan duna pa Minister Oduber ta pone nos saca e conclusion cu e chens ta grandi cu tin practicanan a tuma lugar cu no ta cuadra cu bon gobernacion. Cumpliendo cu nos trabao parlamentario, Fraccion di MEP a manda 25 pregunta na Minister Oduber pa asina e mandatario duna un mihor splicacion di locual e mes a declara den e disputa aki.

Pero mirando e



embergadura di locual e periodista Speed ta cuestiona, tan asu lugar pa Ministerio Publico tambe recibi e preguntanan aki pa asina nan por tene esaki den consideracion na momento di haci un investigacion na e irregularidadnan cu ta implica e mandatario. Pasobra for di tur e guerra entre Minister Oduber y e periodista Speed ta bira bisto cu e mandatario muy probablemente di un manera directo of indirecto lo ta beneficiando su mes of esnan hopi cerca di dje di e negoshi cu e logo di nos Pais.

Pa e bienestar di nos Pais nos ta di opinion cu Ministerio Publico mester investiga Minister Oduber

su envolvimento den e negoshi cu e logo di Pais Aruba.

E señal mester wordo manda pa mandatarionan actual y esnan di futuro, cu practicanan na unda cu un Minister ta abusa di su posicion pa beneficia su mes of esnan hopi cerca di dje na un manera directo of indirecto no ta aceptabel y ta contra e bon gobernacion di un Pais.

Nos ta spera cu Ministerio Publico lo por yega na e decision y e informacion necesario pa asina haci un investigacion pa pone un paro na practicanan cu ta haci asina hopi daño na e democracia di nos Pais.

Nan no ta screen ken nan ta emplea of ta bao influencia nan ta traha!

Ta con ta klem auto pa loco asina?



Dialuna tabata un dia unda cantidad di auto a haya klem na wiel. Hasta auto di bode di abogado a haya klem ora e tabata staciona banda di Corte di husticia.

Den nan ansha Aruparking a klem auto robz pasobra e chauffeur tabata arma cu su ticket unda cu e por a demostra cu e klem a ser poni in hustamente.

Ojo shonnan!~ Waak pa bo cana arma cu bo ticket como prueba of no, pará den nan area.

Sindicato di Maestro di Aruba cu reunion general anual *SIMAR lo haya un directiva y un presidente nobo?*

Manera stipula den Statuton di SIMAR, mas tarda fin di April e directiva mester tene un Reunion General Anual pa duna relato di tur loke a sosode durante e aña anterior.

E aña aki e directiva actual ta cumpli dos aña liderando e sindicato. Esaki ta significa cu mester tene eleccion di un directiva nobo cu lo sigui carga SIMAR y e trabou sindical cu ta encera ente otro para pa derecho di su miembran y enseñanza en general. Directiva Lazo-Tromp, consistiendo di cinco hende muher, a sinta dia 29 di April 2014 y a traha na diferente aspecto REGARDANDO e empleado den enseñanza y asuntonan interno. Durante 2014 te cu awe e directiva a percura pa conclui cu e reglamento di cas, a atende cu diferente caso huridico y a percura pa actividad di formacion y social pa su miembran. Tambe e directiva a participa na comision di enseñanza, comision "gedragscode" y comision "normbedrag" y ta formando parti di comision restructuracion salarial cual lo ta un di e

logronan importante cu lo bay den historia di SIMAR. Un logro mas di e directiva saliente ta "Teacher's care".

Finalmente, despues di a propone esaki na diferente minister, nos a conoce un profesional disponibel pa cu cuido di e maestro riba un nivel personal cual a bin na vigor e aña aki. Tin hopi trabao pendiente, entre otro e seguridad di e docente na pia di trabao y un organo na cual e por acudi y e maneho pa cu su persona na momento di conflicto cu su doño di trabao, incentivo pa recluta miembro y sigui atende casonan huridico di miembran, cualnan por cierto ta drenta

constantemente.

Directiva ta haci un yamado na miembran di SIMAR pa ta presente na dicho reunion y pa pone nan mes disponibel pa sigui cu e trabao sindical na vanguardia di tur maestro y enseñanza en general. Miembran cu ta interesa den forma parti di e directiva cu ta desea mas informacion, por manda un email na directiva@simar.aw.

E reunion General Anual lo tuma lugar dia 22 di April 2016 na Sede di SIMAR y lo cuminsa pa 7:00 pm di anochi. Tuma nota cu lo NO YAMA un di dos reunion riba un otro fecha.

Ta duna basic lessons di Network Marketing

Nos ta juda personanan cu ta dispuesto pa traha duru y enfoca durante 2 pa 5 aña pa nan crea un plataforma financiero cu lo por provee pa nan e resto di nan bida y heredabel pa nan jiuwnan, nan nietonan y nan bis-nietinan.

E poder di Regalia of Ingresonan Residual
Cel: 5694343



Santa Cruz BARBERSHOP
Mon-Fri: 8AM-9PM • Sat: 9AM-4PM
Tel: 500-6673 • Tel: 592-1880



La Plaza del Corte & Butique



Compania “amigo” di Otmar a haci negoshi cu ATA pa 28.7 % di budget di marketing

Otmar a nenga di contesta Xiomara Ruiz Maduro riba e suma cu e 28.7 ta representa!

Un di e puntonan cu a resalta durante di e reunion yama ayera den parlamento, ta e hecho cu e mes compania “amigo” di Otmar, Damox NV, a haci un negoshi hopi grandi cu ATA pa loke ta trata compra di materialnan di promocion, ‘promotional items’. Mientras cu Otmar a menciona varios otro sumanan chikito, ora el a yega na e suma GRANDI, aki Otmar a dicidi cu e no ta menciona e suma di placa, pero a bini cu un strategia pa hunga wega di kak'i sconde!

Pa loke ta trata e suma cu Damox NV a haya di e budget aki, Otmar Oduber a bisa cu e ta den porcentahe 28.7%. Sinembargo e Minister bao di ningun circunstancia kier a duna contesta na Xiomara Ruiz - Maduro di Fraccion di MEP, riba kico te suma envolvi. Si e suma ta 10 milyon florin, e 28.7% aki ta suma Afl. 2.8 milyon florin.

TRANSPARENCIA:

Dia 23 di Maart ultimo, Otmar

a laba man riba e contestanan di Speed Andrade, bisanco parlamento ta haya tur informacion. Te hasta el a bisa cu e ta dispuesto pa bay cu un truck di documento. Sinembargo e realidad a resulta di ta otro. Otmar Oduber un vez mas a mostra cu e tin hopi cos di sconde, pasobra bao di ningun circunstancia, ni maske cuanto Xiomara Ruiz - Maduro a roque pe menciona e suma, e minister a dicidi cu e no ta menciona e suma, pasobra ta “priva”.

Sinembargo un rato prome, el a menciona basta otro suma, cu tabata sumanan chikito di 1000 florin. Ey e minister no a tene cuenta cu e sumanan ta algo priva! Aki nos por conclui cu Otmar Oduber un vez mas a mostra cu e tin hopi cos pa sconde y SOLO DI PUEBLO ta rete y exigie pa e trece claridad riba e suma aki. Su compania “amigo” a cobra 28.7%, pero di ki suma? di 10 milyon? 20 milyon? 30 milyon? Asina nos por mira con Otmar Oduber ta dicta

den ATA y con na un forma structural e ta privilegiando su companianan “amigo” y ora yega na duna cuenta, e ta core pa contesta Speed y core pa contesta Xiomara! Un cos ta sigur, Otmar por core, pero hamas e por sconde! Tardi of tempran, PUEBLO lo haya sa ta kico e suma milyonario aki ta! Pero alavez nos ta manda un mensahe pa Otmar: SACA e palabra TRANSPARENCIA for di bo boca. Bo NO ta transparente!

Denuncia publico...

CABAY BLAUW GEVERF COMO ACCION DI PROTESTA CONTRA HUSTICIA

Dos mucha muher a wordo viola y polis no kier actua




Ariba e pagina di Facebook di “Real Talk With Milly”, SOLO DI PUEBLO a tuma nota di un caso cu a hala masha atencion durante e dia di ayera. Ta trata aki di un caso di violacion di dos mucha muher, unda cu husticia no kier actua. Milly Ras, via un video riba facebook a conversa cu e tata preocupa, kende a keda identifica como Richi Danies. Riba e video, Richi ta splica cu e caso aki ta andando for di basta tempo caba. Tur cos a cuminsa ora cu el a cuminsa nota comportacion

straño na su dos yiu muheran como tambe ora cu na school, juffrouwnan tabata yama su atencion. Ora cu e tata a “hala mas cerca” di su yunan, e yunan a cuminsa conta e tata, con un homber, cual su nomber awor ta publico (skibri riba e cabay blauw), un tal Juancho Tromp tabata viola e dos muchanan aki. Richi a splica cu na varios ocasion el a purba na haya atencion di husticia pa asina por persigui e tal Tromp aki. Sinembargo añanan ta bay pasando y nada ta wordo haci.

Diamars den ora di marduga, Richi mes a acudi na varios lugar publico, unda el a skirbi e mensahe cu “Juancho Tromp ta pedofiel”. Esaki ta loke tin skirbi tambe riba e cabay blauw.

Segun Richi a bisa, cu polis no kier yuda cu su caso, pasobra cu quizas den pasado Richi lo tin un pasado cu no ta bunita. Tambe quizas pasobra cu Richi tin “dreadlocks”, esta cabay tipo rasta, quizas pesey polis no kier duna e caso aki atencion. Segun “Real Talk With Milly” cu desde momento cu el a publica di e caso aki, el a haya dos famia di e tal Tromp cu a acerc'e via su inbox, unda nan a muestra nan interes pa asina yuda e caso. Un di nan a te hasta bisa tambe, cu e mes ta victima di violacion di e mes persona aki. Tambe por a



comprende cu e tata Richi, tin un confesion di e dos muchanan riba video tape. E dos muchanan ta splica den detayes, con e violacion a tuma lugar. Sinembargo, segun Milly, e video di e confesion no ta apropia pa publica riba facebook como tambe pa proteccion di e muchanan. Richi Danies a sigui bisa cu el a bay na varios ocasion na cas di e tal Tromp aki y ultimo tempo aki, e tal Tromp a pone video camera na su cas, pero awor tambe a pone security guard na su cas 24 ora pa dia.

Mey mey di e accion di protesta, a bini reaccionnan cu a condena e hecho cu a pinta e cabay blauw. Sinembargo, segun Milly a splica, cu Cabay Blauw no tin sentimento, pero e dos muchanan cu a wordo viola, si ta victima y sufri. Segun Richi a comenta, cu esaki no ta e unico caso di violacion cu a tuma lugar, pero tin un otro caso mas. Tur esaki a wordo divulga na Bureau Sostenemi, pero e bureau aki, no ta haciendo nada! Milly Ras a anuncia via su Facebook, cu awe diarazon

Un anochi yen di "Strea" na The Ritz-Carlton, Aruba



Recientemente e damas y cabayeronan na The Ritz-Carlton a disfruta di un anochi yena cu sorpresa unda cu 5 di nan a gana un "5 Star Award". Durante aña 2015 tabata tin un cantidad di nominado pa kwartaal y entre nan a saca e ganadornan den diferente departamento. Betty Rueda trahando den Housekeeping, Indrapaul Singh di Finance, Eric Abdul di Recreation, Joanna Magat di In Room

Dining y Lisbeth Heyliger di Casino a gana un "5 Star" Award pa aña 2015.

E premio di Supervisor di aña a bay pa Giovanna Luidens di Casino, F&B y Manager di aña 2015 a keda den man di Jolitza Limonier di Finance. Masha pabien na tur e ganadornan cu nan trabao y servicio a haci un impacto durante aña 2015 hibando e hospitalidad di Aruba pa dilanti.

**DISCOVER
BACON
DONE RIGHT
BACONATOR®**



OTMAR A NENGA DI DUNA CONTESTA NA XIOMARA

Otmar Oduber a nenga rotundamente pa duna contesta na Xiomara Ruiz - Maduro. Tabata ayera durante di reunion di parlamento, cu Parlamentario Xiomara Ruiz - Maduro a haci algun pregunta na e mandaterio. E pregunta tin di haber cu e gastonan di "promotional items" di ATA. Segun informacion cu Otmar a duna, cu e compania Damox NV lo a haci negoshi cu ATA pa un total di 28.7% di e budget aki. Sinembargo Otmar Oduber no a menciona e suma.

Quizas e suma ta demasiado halto y e no tabata tin e curashi pa menciona e suma aki, cual sigur lo bay lanta hopi stof. Na varios ocasion Xiomara a keda putna e minister pa asina por informa parlamento ta di suma di placa e ta papiando. E minister a keda nenga y te hasta e minister a rabia, bisando cu e lo no contesta e parlamentario. Aki por mira cu Minister Otmar Oduber no ta transparente of en todo caso e no ta mes transparente cu e e kier aparenta.



Evelyn Wever-Croes na Hulanda:

Mi mision ta pa lucha pa bienestar di pueblo di Aruba



DEN HAAG -- Lider di MEP, mr. Evelyn Wever-Croes ta na Hulanda actualmente pa deliberacion cu parlamentarianan y funcionarionan den gobierno riba diferente tema. Un tema cu tin hopi hende preocupa ta e tema financiero awor cu Banco Central a publica cifranan diferente na Gobierno. E ta trece

duda den institucionan di Aruba con por ta cu Gobierno ta presenta un deficit di 98 milyon y Banco Central ta registra un deficit di 201 milyon florin. "Lamentablemente nos a pidi Banco Central un reunion 3 siman pasa caba pa haya un splicacion, pero no a haya e cita aki. E no ta bon pa e imagen di Aruba cu gobierno ta usa diferente cifra.

Un otro tema ta e tema di integridad. Nos kier pa gobiernonan di Aruba tene nan mes na regal y leynan di integridad. Si en caso cu gobierno di AVP no ta dispuesto pa haci esey, nos si ta dispuesto pa haci esey y nos a presenta un plan caba a base di cual Aruba mester yega na cumpli cu reglanan di integridad. Tur e escandalonan cu ta rond di gobierno no ta bon pa imagen di Aruba. Ta importante pa Hulanda sa cu e pueblo na Aruba no por mas cu tanto medida y tanto abuso y cu ta basta cu tene man riba cabez di Mike Eman y su ministernan" segun lider di MEP, mr. Evelyn Wever-Croes.

Lider di MEP a reuni tambe cu presidente di Comision di Asuntonan di Reino, sr. Jeroen Recourt na Tweede Kamer. A toca




varios tema di interes den Reino y especialmente e preocupacionnan di comunidad di Aruba. Lider di MEP a reuni tambe caba cu minister plenipotenciario na Hulanda, sr. Alfonso Boekhoudtribaebienestar di Arubianonan na Hulanda, especialmente s t u d i a n t e n a n .

"Mi ta satisfecho con e

reunionnan ta bayendo te awor. Mi ta wordo bon ricibi y ta hayando mas peticion pa reunion. Mi ta spera cu mi por cumpli cu tur prome cu mi bolbe Aruba bek. Mi tin un mision cla mi dilanti: lucha pa bienestar di pueblo di Aruba, no solamente na Aruba, sino na Hulanda tambe", mr. Evelyn Wever-Croes a duna di conoce

Boksmento na bocht di Sero Patrishi



Diamars merdia un boksmento entre tres auto a sosode na e bocht conoci di Sero Patrishi.

Un truck di carga di un compania a subi caminda cu direccion pa Playa. Na dado momento e Jeep blauw biniendo di Paradera a bay pas'e na banda y a

dal e truck. Esaki a pone cu e Jeep perde control y dal contra un SUV biniendo di pabao.

E Jeep despues di tur e maniobranan a dal dos auto cu a bay para pazuid di caminda den mondi. Niun persona a resulta herida.

Mas di 200 boet a ser reparti na Oranjestad

Mayoria ta pa belasting di number di auto cu no ta paga

Manera nos a bisa den un otro informe pa e parti di mainta e Ploeg 1 di distrito di Oranjestad bao encargo di Sub-inspector Nicolaas a tene control den trafico den Oranjestad. Resultado di e control aki

a produci mas di 200 boet den e 300 autonan cu a ser controla pa e oficialnan. 2/3 parti di e autonan riba caminda tabata violando leyman di trafico. Esaki ta un indicacion cu nos trafico ta hopi insegur.

Click ta sostene studiantenan cu venta di cuminda




DELICIOUS FOOD SALE

Sunday 10, April 2016

Fried Rice Sate
Banana hasa y salada

PA SOLAMENTE AFL 13,-

from 12pm to 3pm
Montana 223

DOOR PRICES!

Manera semper nos di Click ta sostene nos studiantenan specialmente si esaki ta pa nan logra pa nan mes futuro. E biaha aki un biaha mas nos ta sosteniendo algun di nos studiantenan cu tin cu bay Corsou pa haci nan Toefel Test. Pesey mes dia 10 di April nos ta organiza un venta di dushi cuminda. Entre 12 pa 3'or pm lo bende cuminda na Montana 223.

Bo por tuma contacto cu nos mes ora pa asina nos por reserva bo plato y contribui na nos studiantenan. CLICK . Pa haci bo pedido, yama 5939775

Te ainda Melvin Tromp no kier splica pueblo riba e venta di su dos terenonan

Ayera un vez mas por a tende Melvin Donkey Tromp ta haci spektakel na Canal 90, unda e kier aremente contra tur hende, pero menos di duna cuenta riba su actonan di corrupcion, actonan di ladronia cu tereno di pueblo.

Tabata nos corant cu a desenmascara e parlamentario aki, ora cu nos a los e noticia cu e parlamentario tin dos tereno na Palm Beach. Ora cu nos corant a trece e noticia aki, e parlamentario a bay den un conferencia di prensa dia 1 di Maart, unda el'a bay ataca nos corant y desmenti

nos noticia.

Nos corant no a altera, nos no a perde cabez, pero nos a bay investiga un poco mas leu. Algun dia despues, nos a publica e prueba contundente, cla y raspa, cu Melvin Tromp ta meti den gran baidia cu negoshi di tereno.

Na di prome lugar, nos a desenmascara e tipo aki, cu semper a pretende di ta un gran santo. Melvin Tromp no a spera cu SOLO DI PUEBLO tin masha hopi documento riba dje, unda nos por a gare den e mentria aki.

E caso aki ta masha stinki mes, pasobra Melvin kier pasa e tereno pa ruman di Tico Croes. Den boca di pueblo ta ser bisa cu aki el'a bende pa \$ 180 mil dollar, di cual \$90 mil dollar a wordo paga y ta en espera pa e traspaso termina, pa asina pasa e otro \$ 90 mil dollar.

Pa e parlamentario corrupto y ladron di tereno aki no kere cu nos a lubida, aki nos ta publica atrobe su sinberguensería! Nos ta rete, pa e bin dilanti y bin duna cuenta. Bin splica kico te motibo cu e kier pasa e tereno pa otro hende.



Hamas de los hamases un hypotheek ta significa cu bo mester traspasa bo tereno pa otro hende. Si bo ta fia placa, bo ta cera un contract y bo por pone e tereno cu e

construccion como garantia. Pero ora bo kier pas'e pa otro hende, ta pasobra cu bo ta violando regla di nos pais! Bo a converti bo mes den un immoral y sinberguensa.

Bayendo e "extra mile" den su trabao

A eligi Alexis Kelly como empleado di luna di Maart na Hospital



Dr. Horacio E. Oduber **HOSPITAAL**



Diamars ultimo a celebra hecho cu a scoge Alexis Kelly, un empleado cu tin varios aña trahando na Hospital, como empleado di luna di Maart 2016. George Arends, kende ta Manager di e departamento Tecnico di Hospital, a splica cu Alexis ta traha den e departamento den e parti di electra y a sa

semper di haci su trabaonan debidamente. E ta haci mas di locual ta rekeri. E ta un persona cu habilidadnan excepcional cu semper ta pro-activo. E ta gusta y kier siña di su trabao. Ta elementonan di un persona cu ta pone desaroya su mes den un carera. Den su caso, esey e a sobresali

y p'esey a wordo nombra como empleado di luna. Alexis ta traha bon den team pero tambe por traha independiente. Semper por conta riba dje. Pa loko ta e departamento, e parti tecnico ta sostene e cuido di Hospital. Hopi biaha esaki no ta bisto, pero tin hende cu ta traha pa mantene e cuido

operacional na e manera y rekisitonan adecua. Esaki ta encera e parti di electra, mantencion, koeltechniek y medisch techniek cu ta parti di e ekiponan clinico. Esaki por ta simplemente e aircu na camber di pashent of e aparatonan di monitoring cu ta tipo di aparatonan esencial pa duna cuido

pero tambe por ehempel e aparatonan di ECG, Echo, MRI etc. E team aki ta zorg pa duna e parti di servicio ey pa mantene e ekipo na normanan existente. Pabien na Alexis pa su excelente servicio den Hospital y su profesionalismo cu semper el'a demostra!

Partido ABO: Despues cu nan a mata tur 'lagadishi y shoco', awor e zamuronan 'Green' ta bin come

E proyecto 'Caminda Scur' a cuminsa cu hopi gañamento y ainda e gañamento ta sigui pa trata di convence pueblo cu no tin corrupcion den e caminda mas caro den Aruba su historia. Esaki si ta algo historico. Nunca antes bisto, tanto naturaleza a wordo destrui asina liher. Esaki pa un gobierno di un signatura Cristian cu tin su boca yen di 'Sostenibilidad' y 'Green'. Nos 'flamante y dinamico' parlamentarionan a duna gobierno aprobacion, pa construi un caminda di apenas 8 kilometer pa 750 milyon florin (casi 94 mil florin pa meter), sin un dia waak of puntra gobierno pa e Milieu Effect Rapport



(MER). Gobierno su unico interes tabata e 'finder's fee' miyonario, cu algun hende lo a cobra y cu nan lo a haya un 'cabay di

campana' (similar na esun di 'Klinkers') pa desvia atencion di e desastre financiero cu nan causa. Pesey hopi 'lagadishi y shoco' mester a muri y perde nan cas.

Locual gobierno no a conta riba dje, ta cu algun gremio, medio di comunicacion y partido ABO lo a cuestiona e procedura hiba y exige publicamente pa mira e MER di e 'Caminda Scur'. Despues di hopi biramento y gañamento di parti di gobierno, el'a dicidi di busca e compania Americas Sustainable Development Foundation (ASDF) pa traha un 'MER', ora tur naturaleza a wordo destrui caba y

Spaans Lagoen tabata na beurt. E compania ASDF no a haci un MER, pero un 'Ecological Impact Assessment (EclA)' pa 'identify the ecological impacts..planned Spaans Lagoen bridge'. A pesar cu e minister-president a declara cu el 'a haci un estudio riba impacto social y ambiental pa FULL e proyecto aki' (Bon Dia Aruba, 21 Oktober 2015). Di tur forma, hopi placa a wordo paga na ASDF, pero nunca pueblo of parlamento por a mira e estudio aki. Tampoco por a mira kende of con a evalua e rapport di ASDF. Pero keto bay e proyecto ta sigui.

Awor siman pasa, pueblo por a lesa cu awor gobierno a haya 'sosten' di Alterra (Landbouwniversiteit Wageningen) di Hulanda, pa bin cu un studio ambiental (Bon Dia Aruba, 31 Maart 2016). Di berdad gobierno ta kere cu tur hende aki na Aruba ta mesun bobo of ciego?

A pesar cu Alterra ta un instituto di investigacion universitario, pueblo por ta sigur cu Alterra su 'sosten' no lo ta gratis. Riba dje, gobierno a mata tur 'lagadishi y shoco' caba. Dus e unico cos cu Alterra por haci awor, ta traha un otro rapport bunita y costoso, pa gobierno sigui trata di convence pueblo cu e proyecto 'Caminda Scur' ta 'Green'! Interesante pa pueblo sa e motibo pakico gobierno a core busca 'sosten' di Alterra, mientras cu e tabatin ASDF den servicio pa hopi placa caba. Porta cu ASDF no a cumpli of pasobra Alterra tin mas 'peso' y prestigio, cu lo sirbi mihor pa e show di PR? Tambe e lo ta interesante pa wak kico Alterra ta haya pa su 'sosten'. Di tur forma mas zamuro ta baha pa come algo di e restonan di e pover 'shoco y lagadishi'. Ta p'esey no tabata tin placa pa un banchi pa e 'Caminda Scur'?

(www.aboaruba.org)



Sput bo cas contra e sangura cu ta transmiti e malesa di "zika"

Speciall . 90 fl

Jama nos y test nos servicio

Fiel cliente nan ta hanja descuento 5694343

Ban CUBA na luna di Juli

**YAMA
BENITO
TOURS
5940052**



Ta bende Producto bio technology

Tratamento pa cancer.

Jama nos pa nos dunabo un charla .ta boost bo systema immune cu 400 porsiento . Sientificamente comproba.
Call . 5694343

PUEBLO A HAÑA SU PEN BEK

Pa kualkier informacion
solodipueblo@gmail.com
of
☎ 585-9500

Tres auto envolvi den un accidente di cadena cu hende herida pazuid di rotonde di Tanki Flip

Diamars merdia a drenta informe di un accidente cu hende herida pazuid di e rotonde Tanki Flip. Mesora a dirigi un patruya pa e sitio. Na yegada di e patruya, nan a bin comprende cu aki ta trata di un accidente unda e dama chauffeur di e Kia Rio preto no a regula e velocidad, ni a mantene distancia y a bay dal tras di e Nissan Sentra su dilanti. Consecutivamente e Sentra a bay dal e Ford Fiesta su dilanti. Debi na e impacto e dama chauffeur di e Kia Rio a resulta herida y tabata keha di dolor na pecho. Na yegada di e ambulance nan a atende e victima.

Bentana y porta kibra di cas na De Vuyst

Dialuna, pa mas of menos 5'or y 50 di atardi, Central a dirigi patruya na un adres na De Vuyst pa un caso di ladronia. Na e sitio a papia cu e habitante G., kende a declara cu rond di 6'or y mey di mainta el 'a bay traha y a yega cas rond di 5'or di atardi. Ora cu el'a yega, el' a ripara cu e bentana di su camber y e porta di un otro camber tabata kibra. Polis a bin topa cu dos blokki riba otro contra di e muraya na e bentana di e kamber. A constata fingerprints riba e bentana y e porta di camber tabata forza. G. a

declara cu e no ta sinti falta di nada for di e cas. Central y departamento tecnico a wordo poni na altura.



RBC Royal Bank (Aruba) N.V. ta felicita Gerencia y Personal di Arazaua Fashion N.V. cu inauguracion di **ZARA**.

RBC ta orguyoso di ta e consehero bancario principal y di por forma parti di un proyecto comercial asina bunita y grandi pa Aruba.

It's All About You

®/TM Trademark(s) of Royal Bank of Canada. Used under licence.



Royal Bank

Preke un biaha mas drumi riba caminda

Dialuna, pa mas of menos 1'or y 51 di atardi, e conocido Preke a haya un proces verbal y baha na cas. Central a manda patruya na Rotonde Las Americas caminda cu Preke tabata drumi riba caminda publico. Na e sitio a bin top'e cu su pianan practicamente riba caminda. E tabata bao di influencia di alcohol y a haya su proces- verbal. El'a wordo laga na su cas na Buena Vista door di polis. Central a wordo poni na altura.

Maduro Heavy Eq. N.V.

Piedra #5/#6-Grijs-Tur tipo di Santo
Coba Pos-Fundeshi-Haci Tereno Limpi
**Puntra pa Special di Luna*

Tel: 5851708 / Cel: 5931608 / 5943207 / 5620331

Email: mheqnv@hotmail.com



Aruba den gara di graffiti..."Pro Pedofiel"

Algun caminda te hasta number a wordo poni

Diamars parti mainta Aruba a lanta y a haya graffiti ariba e cabaynan blauw den Centro di ciudad. Un graffiti cu kier bisa nos algo cu ta pasando.

Den Avenida Milo Croes e edificio di Voogdijraad tambe a haya graffiti "ARUBA PRO PEDOFIEL".

E persona cu a comete e acto nan aki kier pa Aruba completo haya sa algo. Algo cu ta pasando y kizas no ta hayando e atencion debido.

Den corto kico ta pedofiel? Pedofiel ta ora un persona adulto ta sinti su mes atraí pa mucha

chikito. E por bay asina leu cu e persona aki ta tene relacion sexual cu e mucha.



Pues e persona of personanan cu a comete e actonan di graffiti aki, kier husticia, mirando e camindanan cu e graffiti a wordo poni. Esta Ministerio Publico (husticia) y Voogdijraad y mas caminda. Bo por pensa cu esaki nan a wordo poni na puntonan cardinal.

E acto di vandalismo por ta bin di un persona cu ta sufriendo, y manera nos a bisa caba lo no a haya of no ta hayando su debido atencion.



Polis cu control den trafico ayera henter dia na diferente parti di aruba

Diamars mainta dos grupo di polis a subi caya tempran pa tene control den trafico na diferente parti. Nan tabata controla e vehiculo, e documentonan di e vehiculo, e documentonan di e chauffeur y tambe su comportacion den trafico. Riba e fotonan por mira momento di e control tanto den De La Sallestraat como tambe den Indianenweg.



Dia Mundial di Salud 7 April ta bay man den man cu Dia Mundial di Actividad Fisico 6 April

Come saludabel y haci actividad fisico ta e combinacion perfecto pa preveni Diabetes

Biba saludabel ta un concepto hopi conoci caba riba nos isla. E trend pa hopi ta pa come saludabel y haci ehercicio. Gym nan ta mas yen cu nunca. Linear Park y otro arenan pa actividad fisico den aire liber ta bon ocupa. Sigur e tendencia aki ta di aplaudi. Pero mientras cu gobierno organizacion y institutonnan cu ta cay bao di di salubridad ta haci nan maximo esfuerzo pa crea yega na un isla saludabel ainda e caminda pa yega na un isla saludabel ta largo.

E cifra- y datonan di investigacionnan ta

definitivamente espantoso na momento di analiza esaki nan. Na Aruba 1 di cada 2 hende homber entre 25 y 64 aña tin presion halto y 1 di cada 3 hende muher. Di cada 100 persona 42 persona tin colesterol mucho halto. Di cada 10 persona entre 25 y 64 aña 1 ta diabetico. Ocho di cada 10 adulto no ta participa den ningun tipo di actividad fisico. Consecuentemente casi 8 di cada 10 persona tin peso di mas of ta obeso. Datonan cu ta pone profesionalnan man na cabez pero cu ta motiva esnan cu ta

traha den promocion di bida saludabel pa sigui informa y educa pa yega na cambionan di conducta den nos comunidad.

Mientras cu a lanta fundacionnan pa mantene esnan cu a yega nan tercera edad esta nos grandi- y pensionadonan activo. Cada vez tambe ta enfoca mas riba nos muchanan pa ta mas saludabel. E yabi ta pa keda educa y controla pa por preveni. E siman aki Plataforma di Promocion di Salud cu ta conforma pa Despa, AZV, Hospital, SVb, IMSan, WGK y IBI SA ta pone atencion especificamente riba Diabetes y su prevencion. Con pa gana Diabetes su e mensahe principal ta enfoca riba cuminsa tempran, prevencion cerca nos muchanan. E miembronan di Plataforma Promocion di Salud lo bishita diferente media pa amplia riba e topico aki coon pa preveni Diabetes.

Diarazon mainta na Tele Aruba e Proyecto Schoolnan Saludabel lo presenta un programa special en bibo for di Cacique Macuarima School caminda lo splica beneficiacion di ta un school saludabel. Tambe riba 6 y 7 di April IBI SA ta organiza un Tour di Movecion den cual na diferente school bay tin demostracion pa motiva hobennan pa ta mas activo. Prevencion tin diferente fase y mientras ta boga pa baha e cantidad di persona nan diagnostica cu diabetes, mester sigui controla y duna informacion pa esnan cu ta diabetico caba, no empeora. Riba 7 di April Centro Diabetico di IMSan lo tin varios actividad. Na e Centro nobo na Camacuri situa net dilanti di AZV lo tin un tin un opendag cu diferente actividad y informacion di 9'or pa 3'or

di atardi. Lo por test sucu, haya informacion special pa tur diabetico, presentacion di pelicula y demostracion di algun receta. Na ImSan tambe e Centro Diabetico lo ta activo caminda cu lo por test sucu, pisa, midi bariga y haya tur informacion necesario pa maneja e condicion diabetico di e mihor forma posibel.

Plataforma di Promocion di Salud ta uni na e mensahe y preocupacion di e Organizacion Mundial di Salud (WHO) cu cada pais mester motiva comunidannan pa biba mas

saludabel. E pronosticonan mundial ta cu pa aña 2030 Diabetes lo ta e di 7 factor di riesgo causante di mortalidad na mundo. Na aña 2012 Diabetes tabata e causante di mas di 1.5 miyon morto y bayendo bek den tempo no mas cu 8 aña pasa esta na aña 2008, 347 miyon persona na mundo tabata bibando cu Diabetes. Nos mester uni forza pa gana e Diabetes y contra aresta complicacionnan cu e maleza aki ta trece cune pero mas cu tur cos haci nos maximo esfuerzo pa preveni cu nos muchanan ta bira diabetico den futuro.

RESULTADO DIAMARS 5 APRIL DI MERDIA	RESULTADO DIAMARS 5 APRIL DI ANOCHI
Sorteo # 1465	Sorteo # 5839
3823	6924
7957	6253
2280	6864
Sorteo # 1465	Sorteo # 4883
4513	7661
Sorteo # 1465	Sorteo # 3642
8938	8741
Virgo	Sagitario
LOTTO DI DIA 02-08-15-24-28	
MINI MEGA 19-20-21-25 MEGABALL 04	
DIARIO	CORSOU
9237	9428
3726	3851
1169	8272
SUPER 4 9622	

BIDA TA DUSHI

DIA MUNDIAL DI SALUD 2016

DIAHUEBS 7 di APRIL

na **CENTRO DIABETICO CAMACURI** di 9OR pa 3OR
y na **IMSAN San Nicolas** di 8.30 te 12.30

IMSAN cu un evento special di check pia, sucu, preshon y colesterol pa publico. Tambe lo tin demostracion di salada y dressing saludabel, diferente video di diabetes y otro topiconan di salud y movecion pa hendenan menos movibel y tambe presentacion di Podoterapeut Kimberly de Groot y Enfermera diabetico Cheryl de Graf.

SOLO TA SALI

5 NA CAMINDA P'E GRAN CELEBRACION
ANA DI MOVIMIENTO ELECTORAL DI PUEBLO

HAPPY HOUR
 DIABIJERNA, 8 APRIL 2016
 CEDE DI MEP | 7:00 PM - 11:00 PM

mini D'-LICIOUS
V GRUPO DI BETICO

CHENS PA GANA UN HYUNDAI EON 2016

5 FLORIN PA TICKET

Cambio2017

MOVIMIENTO ELECTORAL DI PUEBLO | SOLO TA SALI PA NOS TUR! **MEP 5^{ta}**

Na Caya Punta Brabo y J.E. Irausquin Blvd:

Accidente atrobe na e cruzada banda di Alhambra



Diamars atardi a drenta informe di un accidente na e cruzada banda di Alhambra. Mesora a dirigi un patruya pa e sitio. Na yegada di e patruya, nan a bin comprende cu aki ta trata di un accidente unda cu un chauffeur no a duna preferencia y a pasa dilanti accidenta. Aunke e impacto tabata fuerte afortunadamente ningun hende a resulta herida.



Universidad di Aruba - Facultad di Arte y Ciencia

Nicole Godett na vanguardia di mamanan

Riba 8 di december 2015, Nicole Godett a bira e di 13 estudiante cu a gradua cu un titulo di "Bachelor in Social Work and Development" na Universidad di Aruba. Durante e periodo di Nicole na Universidad di Aruba, el'a haci su pasantia na KIA, Formacion Social y Bureau Civiele Zaken.

Durante su estudio Nicole a haya un soño pa establece un cas pa mamanan hoben y asina duna nan un segundo oportunidad pa completa nan educacion y ofresenan un ambiente sigur y di cuida pa nan por lanta nan yiunan. E soña aki a hib'e na e decision pa conduci investigacion riba embaraso hubenil.

E Departamento di "Social Work and Development" na Universidad di Aruba ta felicita Nicole Godett cu su graduacion y ta ret'e pa sigui ta un persona cu ta sali na vanguardia di e mama hoben na Aruba.





Gerick Croes di MEP:

"Help Desk" di Minister di labor lo viola e confidencialidad y atacha e profesionalismo di e procedura di solicita



Nos a tuma nota di e anuncio di Minister di Labor sr. Paul Croes referente instalacion di un "Help desk" pa supuestamente "yuda esnan cu kier haya trabao y solicita na CITGO unavez e apertura di e refineria na Aruba tuma lugar. Remarcabel ta e hecho cu algo asina ta desvia di e procedura normal di Departamento di Labor. Ademá mester enfatiza cu e "Help desk" ta viola e confidencialidad di esnan cu kier solicita y atacha e profesionalismo den e procedura pa yena vacaturanan den e refineria. E accion aki logicamente ta cuestionabel den tur aspecto pasobra nunca antes algo asina a tuma lugar. De facto bo por mire cu un Minister ta bay asina leu pa mete den asunto di aplicacion di un compania priva. E ora ta surgi e pregunta ta kico ta su meta y intencion real cu e paso irregular aki?

Ta obvio si cu awor cu falta poco menos di 1 aña y mey pa eleccion AVP y e Minister di

Labor a drenta den "campaign mode" y pa medio di posibel reapertura di refineria kier trata na cumpra voto un biaha mas pa keda na poder pasobra di otro forma e lo no ta posibel mas. Logicamente e asunto aki ta condenabel vooral ora cu nos a demostra caba den articulonan anterior cu e maneho actual no ta consistente y Minister aki tabata basha firma y duna aprobacion pa permiso di trabao ("eerste aanvraag") a la grandi siendo cu tin desempleo local. Aparentemente for di informacionnan ricibi por a compronde cu e "Help Desk" aki a wordo ortoga na un compania priva pa haci e "werving & selectie" cu esnan interesa pa traha na refineria CITGO. Mas cu claro algo asina ta inmorale, contra principio, no transparente y ta duna indicacion atrobe di kier haci negoshi cu pan di hende! Si esey resulta di ta e caso, nos di oposicion kier sa: Ken ta e compania priva aki? Pero tambe haya un clarificacion si CITGO a pidi pa instala esaki. Aunke esaki ta dificil pa kere si pasobra te dia di awe ningun deal concreto a wordo cera cu CITGO pasobra e negociacionnan cu CITGO a wordo extendi cu por lo menos 6 siman, segun Minister di Economia de Meza.

Sinembargo no ta kita afor cu Minister Paul Croes ta strobando y na e mesun momento desacreditando su propio colega Minister Mike de Meza cual ta den un negociacion complica manera e mes a indica. Realidad ta cu e accionnan di Minister di Labor lo por perhudica negociacionnan cu CITGO si nan cuminsa desconfia riba proceduranan irregular, intransparente y metemento directo den asuntonan interno y importante di un compania priva manera CITGO!

Si Minister Paul Croes di berdad kier contribui cu algo positivo y na bienestar di e futuro trahadornan e mester respeta proceduranan stipula di Departamento di Labor y purba na re-enforza cu hende local ta esnan cu primeramente ta bin na remarke pa yena vacaturanan na Aruba y ora NO TIN PERSONAL LOCAL DISPONIBEL pa cierto funcionnan cu ta rekeri cierto specialidad otro persona di exterior lo por bin na remarca. Lamentablemente su helpdesk no tey pa garantiza esaki y lo wordo usa solamente pa purba saca beneficio personal y pa partido AVP ignorando bienestar general.

Casonan recien ta manda un señal pa pueblo cu trahadornan no tin atencion di e Minister di Labor actual y esey por a wordo mira ora Minister Paul Croes a huy pa derechonan y proteccion di trahadornan di AURA Casino, caminda 44 tata- y mamanan ta sin trabao, entrada y perspectiva pa 4 luna caba. Ehempel di fixmento di permiso y duna instruccion via whatsapp pa un dama haya un permiso pa un job den bar no ta algo pa gaba, menos ta orguyoso cune y logicamente ta crea desconfianza den e manera con Minister Paul Croes ta maneha e cartera laboral. Por ta e "Help Desk" anti-ley y procedura ta pa fix loke ta conveni e politicamente y financieramente? Ta pesey e Help desk di Minister Paul Croes aki cerca nos di oposicion no ta confiabel. Tur esaki ta pone cu nos di oposicion ta bay vigila e asunto aki y na e mesun momento ta haci un yamada na sindicato, di cual miembronan biaha pasa a perde nan trabao na Valero (debi na maneho di gobierno di AVP cu kier desmantela e refineria) pa ta extra critico!

TA BENDE

CHEVROLET BLAZER ANJA 2000

PA AFLS.6000,--

PA MAS INFO

ROTTERDAMSTRAAT 3C

Aruba quality car deals

Kia sportage 2014

automatic. A fl 37 800

Contact: 5694343

PUEBLO A HAÑA SU PEN BEK



Pa kualkier informacion
solodipueblo@gmail.com

of
☎ 585-9500

[illegible]

- Fiesta, reunion, ricibimento, bruid, fiesta grandi o chikito. - Workshop, reunion, reunion deportivo, encuentronan di iglesia.
- Area openlucht ta acomoda 1000 persona
 - 2 Sala cu 3 airco cu ta acomoda te cu 400 persona
- Area openlucht cu stage, pa festival, iglesia, fiesta familiar
- Situa pariba di Botica Central, pabao di veld di Rockets @ Sta Cruz 748-8280

Jimmy & Stacie Pecci a wordo honra na Hyatt Regency Resort & Casino

Recientemente Jimmy & Stacie Pecci di New Jersey a wordo honra como huesped distingui pa e isla di Aruba.

E huesped nan aki ta hopi special mes cu ta bishitando nos isla pa mas di 14 aña caba consecutivamente.

E titulo simbolico aki

ta wordo presenta den nomber di Minister di Turismo como un muestra di aprecio pa e bishitante nan cu ta regresa Aruba.

Sr. Ricardo Croes di ATA a haci entrega di e certificado aki durante un ceremonia official na Hyatt Regency Resort & Casino.

Stacie ta comenta cu nan no lo cambia Aruba nunca pa un otro isla, door di su beach nan blanco bunita y su hendenan amabel.

Ariba e potret nan por aprecia sr. Ricardo Croes di ATA hunto cu Jimmy & Stacie y tambe Rep. di Hyatt Regency Resort & Casino.



Aruba Quality car deals

Kia Cerato aña 2013
Afl 19999 Automatico

Contact: 5694343



Aruba quality car deals

Toyota Rav4 2006
automatic.

Afl 15,800 y negociabel

Contact: 5694343




**Tip line 5926895
solo di pueblo @
gmail.com**

Servicio Rapido

Mario's Septic Service

560-3500 / 565-4477



Aruba ta host schoolnan di Corsou y Boneiro: Atletismo y Futbol di Sala den Weganan Interinsular Escolar

Despues cu e prome encuentro a tuma lugar na nos isla ruman Corsou den luna di Maart, e fin di siman aki ta toca turno

pa Aruba ta sede di e siguiente competencianan di "Weganan Interinsular 2016". Delegacion di Corsou y Boneiro ta yega

Aruba diahuebs dia 7 di April y e mes atardi e prome weganan ta tuma lugar.

E competencia den e deporte di Futbol di Sala ta entre schoolnan di Enseñanza Avanza y diahuebs atardi esaki ta

cuminsa riba cancha di Centro Deportivo Betico Croes na Sta. Cruz pa 3:30 p.m. Aruba ta wordo representa pa Maria College M.A.V.O. y E.P.B. Oranjestad.

Diabierna 8 di April, e weganan ta cuminsa for di 10:30 a.m. y ta continua durante dia. E apertura oficial di e 'Weganan Interinsular Aruba' ta tuma lugar riba diabierna atardi den Centro Deportivo Betico Croes na Sta. Cruz cu desfile di e schoolnan y atletanan representando nan isla, acompaña pa nan respectivo delegacion. Esaki ta inicia pa 5:00 p.m.

E competencia di Atletismo ta tuma lugar riba diasabra 9 di April den Compleho Deportivo Guillermo Prospero Trinidad na Dakota. For di 9:30 a.m. esaki ta cuminsa, na unda cu e islanan tin nan atletanan cu a gana y keda selecciona den nan categoria di edad. Mester bisa cu aki ta trata di alumnonan di school basico di edad 8-9 aña, 10-11 aña y 12-13 aña, cu no ta miembro di un club di atletismo. Den oranan di diasabra atardi pa 5:00 p.m. ta tuma lugar e ceremonia di clausura y ta entrega premio y trofeo na ganadornan di prome, di dos y di tres lugar. Esaki ta tuma lugar na e area di piscina di Tropicana Aruba Resort & Casino.

IBISA ta desea e teamnan di Futbol di Sala y tambe e atletanan di Atletismo pa Aruba hopi exito. Alabes ta invita comunidad di Aruba pa bin apoya y anima nos muchanan den Centro Deportivo Betico Croes na Sta. Cruz y den Compleho Deportivo Guillermo Prospero Trinidad riba diahuebs, diabierna y diasabra.



Certamen MISS TEEN TURISMO MUNDIAL diabierna awor na ARUBA

Despues di lunanan di preparacion, GLW foundation di George Winterdaal, diabierna awo 8 di April tin e honor di presenta e certamen MISS TEEN TURISMO MUNDIAL 2016.

E siman aki e candidatanan tin un sin fin di actividad. Nan lo ta bishitando minister di Turismo sr. Otmar Oduber, Nos Mainta cu Xiomara Everon, Bon Bini Festival, Carolina, sitionan turistico di Aruba.

Diarazon tin e forum Turistico y cada candidata lo presenta e mihor di nan pais.

Danki na YH Yees, Sensei Sushi, Caribbean Buffet, Fofoti Tours, Click Print, Tropicana Resort, Itito Watersport Aruba, Angelo Photography, AHATA, Departamento di Cultura di Aruba, Loreal y prensa Arubano.

E certamen di MISS TEEN TURISMO MUNDIAL ta cuminsa diabierna 8:30 den Cas di Cultura.

Maestro di ceremonia ta Edjean Semeleer cu participacion di Isaura Wong-Giel.

Como artistanan invita tey Mitch Almary, NLG Dancers, Maya Marin y Popcorn Dancers.

Kaarchinan ta obtenibel na balor di 20\$ cerca George Winterdaal na telefoon 5616151.



TA BENDE

CHEVROLET BLAZER AÑA 2000

PA AFLS.6000,--

PA MAS INFO

ROTTERDAMSTRAAT 3C



Yos Septic Tank Service

Chica pos y habri tuberia Pa un bon servicio y mas informacion tuma contacto cu Nena Dirksz na 7482689 of Jose Dirksz na 5666144 Paradijs #09 - Oranjestad, Aruba.

Prome cu bo cera telefon, nos ta para dilanti bo cas! Mas rapido cu YOS no ta existi!

Minister Paul Croes: Solucion temporal pa trahadornan di Aura Casino



"Diamars atardi den un reunion hunto cu FTA, Mediador di Gobierno y representantenan di trahadornan di Aura Casino, Minister Paul Croes a informa e trahadornan cu a logra yega na un solucion temporal pa e trahadornan di Aura Casino. E trahadornan ta bay ricibi pago completo di nan Cessantia di parti di Sociale Verzekeringsbank (SVB), esaki di acuerdo cu nan derechonan legal.

Despues di varios siman di negociacion finalmente Gobierno ta logra un solucion temporal pa e trahadornan di Aura Casino. E proposicion aki a bin finalmente di parti di Mediador di Gobierno cu a manda e peticion na Consejo di Minister pa

asina alivia e situacion pa e trahadornan. Minister di Labor a tuma contacto cu director di SVB pa sondea e posibilidadnan pa logra e pago aki, manera e mandatario a anuncia.

"Esaki ta un solucion temporal y ta alivia e situacion pa e trahadornan cu a pasa den un tempo duro. Diasabra SVB lo ta atendiendo tur e trahadornan pa asina yena nan peticion pa haya e Cessantia," asina Minister Paul Croes a informa e sindicato. "Ainda nos no ta cla pa yega na e solucion permanente pa e trahadornan, pero nos ta sigui traha riba esaki. Nos ta sigui busca e operador cu lo mester cumpli cu e trahadornan", Minister Paul Croes a declara.

Tip line 5926895
solo di pueblo @
gmail.com


SUPER SMOKIN'




SUNDAY




**BIN DISFRUTA UN SPECIAL Y DASHI
"BARBEQUE"
TUR DIADOMINGO NA SANTA CRUZ.**




* B.B.Q CHICKEN + LOINRIBS FLS.16



* B.B.Q SPECIAL FLS.20



* CATCH OF THE DAY ON GRILL FLS. 17.50



* B.B.Q SHRIMPS FLS.17.50

ADDRESS: SANTA CRUZ # 6B

ORA: 11:00AM- 2:00PM

TEL PA PEDIDO OF APP: 7454668-7450210-5693161



***Permanent
Make Up?***
***Dilailah
Beauty Clinic***
Tel: 856-7272

Permanent Make-Up

E solucion pa bo cejanan

- *Cejasnan dañá of mal forma*
- *Esnan cu no tin cejas*
- *Cejasnan cu colornan cora, biña, berde etc.*
- *Tambe eyeliner y lipliner*

*Nos tin e solucion pa bo.
Cada servicio ta den forma personaliza .
Sin dolor y no ta hincha den un ambiente relajante.
Mas di 15 aña di experiencia .*

*Tambe nos ta drecha cejanan cu :
Waxing, pincet y blade den forma unico,
Cu ta cuadra cu bo cara.
Yama awe mes na 730-3327 /586-7272 nos ta wardabo
cu un sonrisa. Consulta ta gratis.
Na: Dilailah Beauty Clinic
Noord # 82 den Centro Comercial Noord
patras di Botica Noord*

Sea creativo y consciente den cuida di nos medio ambiente

Participa na AHATA su Expo y Competencia di Obra y Arte Recicla

AHATA SU DI 14
EXPO Y COMPETENCIA DI
OBRA Y ARTE RECICLA

Fecha: Dialuna, 23 di mei 2016 pa Diabierna, 27 di mei 2016
 Orario: 10.00 am - 6.00 pm y Diabierna, 27 di mei 2016: 10.00 am - 12.00 pm
 Lugar: Biblioteca Nacional

Ban Yuda Medio Ambiente Den Un Manera Creativo!

Lo tin **PREMIO** atractivo pa e ganadonan
 Mester uza materialnan re-usable manera:
 Foam, Cups, Papel, Glass, Plastic, Caha y tambe por usa Lijm y Verf

Ultimo dia pa inscribi lo ta
 Dialuna, 15 april 2016.

Pa inscribi of mas informacion yama 582-2607
 of por manda e-mail na
 vanessa@ahata.com of intern2@ahata.com

AHATA
 Aruba Hotel & Tourism Association
 Representing Aruba's Tourism Industry Since 1965

ENTRADA GRATIS

Pa di 14 aña Comision Ambiental di AHATA ta organiza e competencia di obra y arte recicla. Ta un hecho cu e aña aki lo organiza e expo y competencia un biaha mas di dia 20 pa dia 27 di Mei 2016

E ultimo dia pa inscribi a wordo extendi te cu April

30, 2016 pa categoria individual amateur, individual profesional, grupo y scol. Biblioteca Nacional lo ta sede di e gran exposicion aki y e apertura lo ta diabierna, dia 20 di Mei parti atardi.

Den transcurso di tur e añanan ey Comision Ambiental di AHATA a

bin ta organiza e expo y competencia aki. Di manera cu por a mira hopi creatividad, unda cu e participantenan a re-usa y por sigui re-usa foam, bleki, plastic, papel, glas, aluminium y/of carton, usando adicionalmente verf y lijim.

Lo tin 7 diferente categoria: scol preparatorio, school basico di 1e. te cu di 3 klas, school basico di di 4 te cu di 6 klas, school secundario, individual amateur, individual profesional y grupo/hotel/negoshi. Tur participante lo haya un certificado y e ganadonan lo haya premio di diferente sponsor. AHATA kier gradici ya caba e schoolnan, gruponan y personanan cu a registra. E hurado lo basa su seleccion riba: e producto cu a usa, creatividad, detaye y acabado, porcentahe di material recicla usa, tecnica cu a usa, kico por haci cu e obheto crea, si e participante a usa e materialnan re-usa y, por ultimo, si e participante a usa un of mas di e materialnan re-usa.

Comision Ambiental di AHATA ta invita pueblo

en general pa bishita e exposicion for di dia 20 di Mei te cu dia 27 di Mei na Biblioteca Nacional Aruba. Diabierna dia 20 di Mei di 3:00 pm pa 5:00 pm y di dialuna 23 di Mei te cu diabierna 27 di Mei di 10:00 am pa 12:00 pm y di 2:00 pm pa 5:00 pm. Diabierna dia 27 di mei e exposicion lo ta habri di 10:00 am pa 12:00 pm, culminando cu e ceremonia di premiacion/clausura parti di traimerdia/atardi.

No lubida: **ENTRADA TA GRATIS**. Di e forma aki AHATA ta desea di corda nos comunidad riba e 3 R-nan: Reduci, Re-usa, Recicla.

En conexion cu e exposicion/competencia di reciclahe y como un toke interesante y valioso, AHATA ta ofrece un biaha mas un tayer di arte recicla pa adulto pa siña traha bunita candelabro di boter di plastic. E aña aki Señora Raquel Bautista, kende ta Historiado Bishitante na Hyatt Regency Aruba Resort & Casino, lo duna e tayer. E tayer di arte recicla

lo ta completamente gratis tambe y ta ofrece esaki cu e solo proposito di crea conscientizacion y pa inspira e participantenan pa ta creativo y na mes momento yuda nos medio ambiente.

Un danki di antemano ta bay na Tara Eco Supplies, patrocinador principal di e Expo/Competencia di Arte Recicla di AHATA, y na Hyatt Regency Aruba Resort & Casino, cu ta patrocinador principal di e tayer di arte recicla, y na tur otro patrocinador cu di un manera of otro ta haci e dos eventonan aki posibel.

Pa inscribi pa e Expo/Competencia y/of pa e Tayer di Arte Recicla, of pa haya mas informacion, por yama libremente di dialuna pa diabierna durante ora di oficina na 582-2607 of e-mail vanessa@ahata.com of intern2@ahata.com.

Tur persona ta keda cordialmente invita pa asisti y participa. Sea creativo y consciente den cuida di nos medio ambiente!

SLEEP COMFORT
 Mattress & Foam Company N.V.

Dialuna pa Diabierna
 8am-12pm y 1pm- 5pm
 Diasabra 8am - 12 merdia

Servicio pa Fura Matras.....

Busk'e mainta, fur'e
 y entreg'e atardi mes

Trabao garantisa pa bo drumi mihor

Servicio ta encera

- * Nos ta revisa bo matras completo
- * Tela di bon calidad borda cu diseñonan bunita cu extra foam pa mihor suport
- * E Fabrica mas recomenda pa fura matras

Sabana Blanco 34-A - Tel: 582 2709 of 582 4405 - Fax: 583 9637
 Email: sleepcom@hotmail.com  Sleep Comfort Aruba

En conexion cu "AHATA su di 14 Expo y Competencia di Obra y Arte Recicla", nos ta ofreci un:

Tayer di tratamiento di candelabro

Tayer di UN SOLO DIA!
 Fecha di e tayer: 24, 25 y 26 di mei 2016
 Ora: 2:00pm te 5:00pm
 Lugar: Biblioteca Nacional Aruba
 Instructor: Raquel Bautista
PARTICIPACION TA GRATIS

Pa mas informacion y/of pa registracion, por fabor, manda un e-mail na vanessa@ahata.com of intern2@ahata.com

Delaster dia pa registra ta Diabierna, dia 6 di mei 2016

Bo ta cla pa un reto nobo?
 Ban dal un buena ecologico cu e candelabro licito, traha di boter di boter den forma di flor cu ta colga pegara otro legalmente cu cinta di plastic. E tayer aki ta un inspiracion den e baysa di cosnan cu nos ta mira tur dia y lo crea un aspecto inspiratorio den e collage ambiente di casa.

Por crea e bunita cascada di plastic aki den hopi diferente matz di color y forma por varia di acuerdo cu e creacion cu bo alcansa.

Si bo ta encantado cu e fantasia hez cu ta sali dje boterman recicla aki, por fabor registra pa e tayer y laga nos desbata.

AHATA
 ARUBA HOTEL AND TOURISM ASSOCIATION
 ENVIRONMENTAL COMMITTEE

Minister dr. Alex Schwengle orguyoso y honra pa ta presente E programa di Abraham de Veerschool ta uno di aplaudi

E ta stimula e formacion socio emocional di nos futuro adultonan



Minister di Salubridad Publico, Cuido pa nos Grandinan y Deporte, dr. Alex Schwengle, tabata ta presente na e Sportdag organisa pa e alumnonan di examenklas di Abraham de Veerschool. Esaki ta un Proyecto di varios aña, unda cu na e school aki ta trata di stimula e muchanan pa ta mas independiente, vooral e examen klasnan ta haya opdracht pa organisa cierto actividadnan y dene caso aki nan mester a organisa un sportdag pa henter e school. E examen klas ta responsabel pa full, for di comienzo te na final di e organisacion.

E muchanan mes tin cu busca sponsor, zorg pa e programa y percura pa e bay bon. Door cu e tabata un sportdag, a acerca e minister pa bin tira un bista. E programa aki tin di haber cu deporte y enseñansa. Esaki sigur lo wordo papia en conhunto cu e minister di enseñansa, pa wak si por stimula actividadnan asina den tur scol.

Ta bon pa no solamente stimula cosnan positivo manera deporte, pero na e manera cu e ta wordo haci, cu di un edad hopi jong, ta siña e hubentud pa ta responsabel, siña organisa. Door di siña organisa nan lo por

organisa na mesun bida miho tambe den futuro, e minister a comenta. Cosnan cu nos por cierto no a haya den nos educacion di antes.

E proyecto piloto di Scolnan Saludabel a wordo presenta na parlamento pa e grupo di trabou. Riba esaki, minister Schwengle a splica cu Healthy school of Gezonde School Project ta un concepto cu tin mas cu 20 aña caba cu a wordo stimula of crea via World Health Organization, dus e no ta nada nobo. Ta lastima cu te awo ta batiendo duro na nos porta. Tin cu bisa si cu el a cuminsa den Gabinete Eman I como un pilot y ta funcionando bon. Tin 5 scol cu ta andando den e programa aki. Idea di minister Schwengle ta, hunto cu e minister di Enseñansa, pa stimul'e riba nivel nacional, den sentido cu tur scol por participa den un programa asina pa por promove salud den un sentido mas hancho. No solamente

den comemento, den deporte, den movimiento, pero tambe den formacion emocional y social di nos futuro ciudadanonan.

E ta bay costa placa y tin un concepto riba mesa cu yama Health Funds, unda cu kier bay taxeer productonan no saludabel, e minister a indica. Pensa riba tabaco, alcohol y bebidanan di sucu. No dramático si, pa asina por baha e consumo di productonan no saludabel, pero ta haya cen, cu ta wordo hinca den e Health Funds y lo wordo uza específicamente den e Healthy Program di scol.

E programa aki ta algo di aplaudi. E minister ta hopi contento cu el a wordo invita pa bin bishita e scol. E ta orguyoso di e muchanan y tambe di e maneho di e scol, cu nan por organisa algo asina leuk pa e muchanan y duna nan un balo di nan mes.

E director mes, Elgin Nicolas, director di e scol ya pa 5 aña, a mustra cu

e programa aki ta algo cu nan ta stimula y ta duna su resultado. E intencion ta cu normalmente den klas 4, e muchanan na Februari of Maart, tin cu rond af nan gymnastiek y a bin cu e idea cu ta rond'e af cu un sportdag cu nan mes tin cu organisa. E bedoeling di e sportdag aki ta cu na ta bay siña traha cu otro, pasobra cu tin 3 klas, cu ta 57 mucha, kiermen nan tin cu traha hunto. Nan tin cu delega e trabaonan. Nan tin cu organis'e. Cada un grupo ta haya pa organisa tambe e parti di sponsorship y sinta y pensa y bay riba Google por ehempel pa wak ki weganan por haci cu e muchanan por ta interesa den dje y e wega no mester ta peligroso tampoco. Tambe e otro banda ta pone enfasis riba deporte y alimentacion, caminda cu enfocando riba esey, caminda cu a haya hopi sponsor, entre nan fruta, etc. y caminda cu e muchanan ta ripara di e healthy lifestyle.

Loke a haci e aña aki extra, ta e egghunt, cu nan ningun no tabata sa, behalve e dosnan cu a organis'e y nan mester a busca webo den e parke di Lago Heights. Cada webo tabata tin un premio den dje. Esey tabata e intencion. Pa e muchanan esaki tabata creativo. Por a ripara con alegre e muchanan tabata y esey ta un parti di e educacion cu hopi di nos ta lubida, cu caminda cu ta bisa cu educacion no ta for di buki so, pero educacion ta scucha musica, expresa bo mes den diferente manera y esey tin cu bay den e direccion ey mas hopi. No na e scol so, sino na e otro scolnan tambe, e director a conclui.

Presentando e Reina Caribense pa April 2016

Artista Annet van Doorm

Tur luna, Caribbean Queen na Palm Beach Plaza Mall ta honra un artista femenino local cu ta biba y crea riba e isla. E programa di Reina Caribense a wordo lanza ora e tienda a habri na fin di 2011, y desde e tempo ey a sigui di ta exitoso.

Pa e luna di April 2016, artista local Annet van Doorm ta e pacus su Reina Caribense celebra, demostrando su obranan di arte unico.

Naci na Hulanda, Annet a biba na Corsou y awor na Aruba pa mas di un decada. Su pasion pa moda na un edad hoben a inspira su escogencianan educacional, ya cu el a bay school di moda prome y despues a transiciona pa duna les di diseño y tecnicanan di cose na su mesun scol di moda net prome cu el a sigui tras di su esposo, un militar Hulandes, pa e islanan.

Annet ta practica un multitud di otro disciplina artistico tambe, incluyendo pintamento di portret y modelo, y na Corsou el a participa den un curso di dos anja usando verf acrilico, cual el a disfruta di dje tremendamente. Su pinturanan a yega te na tiendanan local na Corsou, y nan tabata hopi popular den e mercado di turismo. Annet su soño grandi ta pa un dia tin suficiente obranan di arte pa organiza un show completo den un di e galerianan local na Aruba.

"Mi mama ta un inspiracion," tabata e splicacion di Annet. "E tabata hopi talentoso, y a pinta y verf bon. Su creatividad a inspira mi creatividad." El a agrega, "Tur loke mi ta mira rond di mi ta fomenta mi deseo pa pinta; consecuentemente, semper mi ta druk ta crea mi mesun arte y pintando proyectonan."



Como un artista y un maestro di arte, Annet ta duna les di cursonan intenso di pintamento, tres biaha pa aña, organiza den ciclonan di ocho siman consecutivo. Tambe e ta duna les di Body Pump y Pilates den su tempo liber.

E pacus di Caribbean Queen ta dedica un porcentahe di tur benta na su programa di e reparacion di mundo, Tikkun Olam. E fondonan colecta ta wordo duna cada cuartal na organisacionnan caritativo local, como

parti di un esfuerzo continuo pa haci algo bon y sirbi e comunidad. Tur e fundacionnan cu ta ricibi donacionnan di e pacus di Caribbean Queen ta dedica na e promocion di arte riba e isla, y educacion di artesanonan.

Disfruta di e obranan di arte unico aki di Annet durante henter e luna di April, y bo ta invita pa pasa wak un demostracion en bibo di su arte na e pacus, riba e di tres diahuebs di e luna, den e oranan di anochi.



Patrimonio Natural y balor di Dam

Ta invita interesadonan pa un charla di Dr. Rene Rosalia

Pa medio di e carta aki Asociacion Stimaruba hunto cu e coordinadonan di e proyecto Expedicion Rescate, ta invita organizacionnan cu ta traha riba tereno di naturaleza y awa, cunucu y criadero pa asisti na un charla: "Patrimonio natural y balor di dam". E charla aki ta keda presenta pa Dr. Rene Rosalia, riba diasabra 9 di April 2016 na Trappers na Sta. Cruz for di 10:00 am te cu 12:00 pm. Trappers ta situa pariba di Botica Central.

Dr. Rosalia lo duna un charla basa riba importancia di nos patrimonio natural y balor di dam; con mantene y preserva nan. E intencion di e charla aki ta pa e bira un presentacion interactivo hunto cu e diferente organizacionnan na Aruba, cunukeronan y criaderonan pa asina mira den ki forma hunto nos lo por yega na un plan di accion pa cuminsa investiga, inventariza y rescata algun dam na Aruba. Entrada ta gratis.

Dr. Rosalia a studia ley na Universidad di Antia Hulandes (UNA) na 1986 y na 1996 el a

ricibi su titulo di PhD den antropologia cultural, derecho administrativo i etno musicologia na Universidad di Amsterdam. Dr. Rosalia ta entre otro:

- presidente di Fundacion Stripan na Corsou, kende ta conoci pa su investigacionnan riba tereno di musica di Tambu.

- fundador di Museo di Tambu na Corsou, cu ta un proyecto cu el a combina cu un proyecto di plantacion.

- guia varios proyecto di investigacion pa medio di historia oral, entre otro riba herencia cultural di cosecha, unda el a studia e importancia di dam y suministracion di awa den agricultura tradicional di e islanan Aruba, Boneiro y Corsou.

- iniciado di e proyecto Expedicion Rescate na Aruba y Corsou.

- Ex-minister y ex-diputado di enseñansa, cultura, ciencia y deporte di Corsou

- Ex-hefe di Cas di Cultura di Kòrsou

DLVV Santa Rosa y Aruba Reef Care Foundation a duna cu lectura di Abeha y Lionfish na alumnonan di Colegio Santa Famia



En conexion cu dia di Himno y Bandera, DLVV Santa Rosa y Aruba Reef Care Foundation a duna lectura di Abeha y Lionfish na Colegio Santa Famia na Pos Chiquito. Ariba e dia aki Sr. Johnny Falconi DLVV Santa Rosa y Sr. Castro Perez di seccion di Pesca y tambe di Aruba Reef Care Foundation a duna un lectura di Abeha y Lionfish. Sr. Johnny Falconi a duna un lectura di Abeha. Sr. Falconi a mustra e muchanan e trahe cu mester bisti pa

traha cu Abeha y tambe un cas di Abeha y a duna e alumnonan hopi informacion con ta traha cu Abeha. E alumnonan di colegio Santa Famia tabata masha curioso pa siña mas di Abeha y nan a hasi hopi pregunta. Nan tambe tabata hopi interesa ariba e topico di Lionfish. 10 klas a logra haya lectura di Lionfish y Abeha. Hopi pregunta a ser hasi ariba Lionfish y Abeha. Cu e presentacion di Powerpoint y splicacion, e muchanan a logra haya



hopi informacion. Nan a ser invita pa waak nos videonan di Lionfish ariba You Tube. Tabata un placer pa DLVV Santa Rosa y Aruba Reef Care Foundation duna dos lectura na Colegio Santa Famia.

Botica na Warda:

2 APRIL - 9 APRIL
Mediq Botica Centraal
Mediq Botica Aloe

Rooster di dokter na Warda IMSAN pa luna di April 2016

MA	MA 18 BRITT-CROES
DI	DI 19 DE CUBA
WO	WO 20 EVERY
DO	DO 21 GIEL
VR 01 BODERIE	VR 22 LINDEN V/D
MA 04 BRITT-CROES	MA 25 LUCHMUN
DI 05 DE CUBA	DI 26 RAMAUTUR
WO 06 EVERY	WO 27 WEVER (Koningsdag)
DO 07 GIEL	DO 28 TROMP
VR 08 LINDEN V/D	VR 29 VIS
MA 11 LUCHMUN	MA 02 BRITT-CROES (Arbeidsdag)
DI 12 TROMP	
WO 13 VIS	
DO 14 WEVER	
VR 15 BODERIE	
WEEKENDDIENST	
02 - 03 APRIL	EVERY
09 - 10 APRIL	GIEL
16 - 17 APRIL	LINDEN V/D
23 - 24 APRIL	LUCHMUN
30 APRIL - 01 MEI	TROMP

Nummernan di Emergencia:

Central di Brandweer	911
Polis	100
Sanicolas	104
Sta Cruz	105
Oranjestad	102
Shaba	107
Tip Line	11141
Hospitaal	527-4000
Centro Medico San Nicolas	524-8833
Ambulance	
Wayaca	582-1234
Sanicolas	584-5050

BACKHOE & BOBCAT SERVICES

**Lanta sushi, rosa
tereno,
Coba pos
pa fundeshi, santo
y
piedra
Pa mas info yama
593-5050 of
592-1116**

TA BENDE

**BBQ Grill Crioyo y Duradero
made in Aruba, a Afls. 250,-
Inf. 593-8182**

**Laga Solo di Pueblo cubri bo
celebracion, bo fiesta, b-day,
of casamento!
Yama nos fotografo na:**

748-3293



Aruba despues di casi 2 aña di negociacion Otro siman ta firma un tratado cu Merca riba "Transportation Security Agent"



Aruba despues di negociacionnan pa casi 2 aña ta cla pa concretiza acuerdo firmando un tratado cu Merca riba Transportation Security Agent, e asina yama TSA. Minister Otmar Oduber a keda apunta pa den nomber di Reino Hulandes firma na Washington, e acuerdo importante aki.

Manera ta conoci durante ultimo añanan aki Directie Scheepvaart como Aeropuerto tabata den contacto continuo pa sigura cu nos ta cumpli cabalmente cu aspectonan di seguridad pa tanto nos wafnan como tambe nos aeropuerto. Tambe ISPS cu Aruba ta asocia cu ne, ta controla di cerca e medidanan di seguridad di nos isla pa

asina nos keda cumpli cu ne. Esaki mirando cu nos tin un gran cantidad di barconan crucero cu ta yega nos isla y ta touch suelanan Mericano, pero tambe un gran cantidad di barco di carga cu ta haci e mesun ruta aki pa cual ta bolbe aña na e importancia pa mantene un nivel di seguridad halto. Minister Oduber ta indica cu alrededor di 2 aña pasa a logra cumpli cu dos aspecto mas cu nos no tabata cumpli cu ne, cu tambe ta forma parti di e aspectonan di seguridad internacional tanto pa e area maritimo of pa e parti aereo. Ministerio di Transporte a percura pa cumpli cu e tratado caminda tin comision permanente den nomber di tur instancia cu ta envolvi den e aspecto di seguridad riba nos isla, y desde 1 aña y mey pasa ta reuni continuamente tanto pa aspecto maritimo y aereo.

E mandatario ta splica cu a encarga Korps Chef pa dirigi e reunionnan aki, caminda 2 biaha pa

aña e Minister Oduber tambe ta reuni cu ne. Tur e trabaonan aki combina cu e creacion di IBSL, cu ta e departamento cu ta controla y aproba e diferente plannan di seguridad cu mester tin na aeropuerto y na nos wafnan, a conduci cu awor nos por ta orguyoso cu Aruba ta e unico den Reino cu ta cumpli completamente cu e exigencianan di seguridad y por mantene e Pre-clearance Americano via TSA. Pa e motibo aki Minister Oduber lo ta viahando pa Washington, unda lo topa cu representantenan di Gobierno Mericano y instancianan concerni pa asina firma den un forma oficial e tratado importante aki.

Pa Minister Otmar Oduber ta un honor pa wordo reconoci pa tur e esfuerzo y trabaonan haci den e ultimo 3 pa 4 aña, caminda ta logra firma e acuerdo historico aki den nomber di Reino cu ta haci posibel pa mantene e Pre-clearance aki na Aruba.



Curso Empresario Prepara ta cuminsa dia 11 di April 2016

**IDEA Conhuntanan cu Enseñanza
Pa Empleo, ta ofrece curso pa tur
empresarianan cu kier siña maneha nan
negoshi eficientemente**

Na april proximo Iniciativa pa Desaroyo di Empresa Arubano (Idea) ta presenta su curso "Empresario Prepara" cual ta organisa conhuntamente cu Enseñansa Pa Empleo (EPE). Meta di e curso ta pa yuda nos clientenan administra nan negoshi den un forma eficiente y engrandece e nivel di informacion y strategia con pa haci di nan negoshi uno exitoso. E ta un curso excelente pa esnan cu kier cuminsa un negoshi den futuro prepara nan mes awor door di siña kico ta encera un bon maneho. Pa esnan cu ta maneha nan negoshi caba esaki ta un bon oportunidad pa refresca e practica di bon maneho y haya mas idea creativo pa optimalisa produccion, drecha e mercadeo di bo negoshi y establece un administracion mas efectivo.

Pa logra esaki nos a parti e curso den 2 fase:

A. Prome fase ta ciencia empresarial; Business Plan, Marketing, Purchasing Logistics, Tourism Marketing, Quickbooks, Labour Law of Aruba, Business Law, Leadership & Management;

B. Segundo fase cursistanan ta haci uzo di e teoria den practica. Lo siña traha un business plan y ta duna diferente

ehercicio tocante con pa maneha un negoshi.

Empresario Prepara lo cuminsa dia 11 di april 2016 y ta consisti di 40 lesnan. Horario ta 7.00 pm pa 9.15 pm y pa e lesnan lo tin un schedule cu lo mester tene cuenta cune. Localidad di curso ta 'Enseñansa Pa Empleo' situa na Engelandstraat 33, Eagle.

Curso Empresario Prepara ta costa Afl. 525,- y por pague den dos pago (prome cu 7 di april y fin di mei). Mester completa tur e fasenan pa por logra un diploma na final.

Criteria pa atende curso Empresario Prepara:

- Ta preferibel pa tin nivel di MAVO of equivalente. Diploma no ta necesario.


- Mester tin conocimiento di computer

- Conocemento basico di Papiamento, Hulandes y Ingles ta necesario.

Pa informacion y inscribi por yama oficina di Idea na 5821181 ext. 248 of ext. 274 of pasa personalmente na Departamento di Asuntonan Economico, Comercio y Industria na Sun Plaza di 2 Piso.

Tambe por like Idea su Facebook pagina: Idea-Aruba of via email: j.trim@arubaeconomicaffairs.aw pa mas informacion.

Klas gratis di introduccion di Taoist Tai Chi™ na Savaneta



Diahuebs benidero 7 di April 2016, di 7 pa 9'or' di anochi, Taoist Tai Chi Society Aruba (TTCSA) ta ofrece un klas di introduccion gratis na Prome Paso Kleuterschool na Savaneta, cerca di misa catolico. Despues e klas pa principiante ta sigui tur diahuebs anochi di 7 pa 9'or'.

TTCSA ta ofrece e klas

aki especialmente pa esnan cu ta interesa pa siña Tai Chi y cu ta biba pariba di brug.

Taoist Tai Chi™ ta ideal pa tur esnan cu kier inverti den nan salud. Personanan cu door di stress di tur dia a perde balans den nan bida y ta sinti nan mes ansha, lo haya tranquilidad bek dor di practica Taoist Tai Chi™.

E ta un manera hopi relajante di haci movecion cu ta exactamente loke hopi hende tin mester awendia.

Diahuebs anochi 7 di April 2016 lo tin oportunidad pa registra.

Pa mas informacion por yama 593-4463 of check e Facebook page di Taoist Tai Chi Society Aruba.



Oracion di Dia

Dios amoroso, pa salba mundo Bo a duna Bo yiu Cristo Hesus na nos. Asina hopi Bo a stima mundo cu un amor inmenso, gratuito, desinteresa y asta te extremo. Hesus a bini na mundo pa trece lus den

tanto scuridad, den tanto maldad y asina pa medio di e Lus nos haya e caminda berdadero. Sinembargo hopi ta preferá e scuridad. Pero Señor nos no ta perde speransa y mas ainda den e Aña aki di Misericordia nos ta suplica Bo pa tene misericordia cu tur esnan cu ta cana den scuridad y laga Bo Lus birya riba nan pa medio di Cristo nos Señor

Amen

TA BENDE



UN SOFABED
PA MAS INFO
TEL: 5858281



*Laga tur loke ta spera mi ta bunita
Laga tur locual cu mi encontra na caminda ta bunita
Laga tur locual cu mi laga atras keda bunita y
Laga esakinan termina den tur buniteza.
Cado Wever*

Cu honda pena pero conforme cu boluntad di Dios nos ta anuncia fayecimento tragico di

Andrew Furgill Steven Wernet

*08-03-1994 - †30-03-2016

Na number di su Mayornan:
Gregorio "Ito" y Ayusca Wernet-Chung
Su ruman:
Dévalu Wernet y Jennille Croes

Su sobrino stima: Shayne Wernet

Su welanan y welonan: Carlito y Irena Wernet-Arends
Vda. Delta Faulborn-Poterson
Monnis Abon Yuen "Ayin" Chung

Su tantanan y Omo:
Jacky Chung (Taxi 348) Bruce Da Costa y yiunan
Raymond (Dino) y Andrea Chung-Alvares y yiunan
Jennifer Chung y Yuri Ponson y yiunan
Susan Chung y Adonis Kemp y yiunan
Judella Chung y yiunan
Nathalie y Jonathan Odor-Chung y yiunan
Virginia Wernet y Alvin Wever y yiunan
Selly Wernet y Claudio Winterdaal y yiunan
Carminia Wernet y Alfonso Henriquez y yiunan

Su primo y primanan: Nelson, Jermaine, Jurson, Jovanca, Ashley, Jayson, Qiana, Zoey, Naomi, Dwayne, Urving, Tyriq, Joshua, Anisa, Ismayne, Kaelen, Nigel, Junaidy, Javen, Valerie, Lorraine, Cedric, Kevin, Wendy, Jonathan, Ly-ann, Shan-Piere.

Tantanan y Omonan grandi: Cynthia, Jullian, Franklyn, Mario, Rita, Gloria, Imelda, Irena, Yeunchow, Ansjon, Luis, Filomena, Mena, Lolita, Vivian, Lourdes, Gladys, Beto, Mirtha.

Padrino y Madrina: Raymond "Dino" Chung y Carminia Wernet
Manera un ruman: Ismar Koolman
Amigonan di Cas: Etienne, Carlos, Angelo, Danny, Lando, Jimmy, Ludwig, Julissa, Jonathan, Armando y pa tur su amigonan cu Andrew tabata tey pa nan.

Coleganan y amigonan di: Integrated Security Services (ISS)

Famianan: Wernet, Chung, Poterson, Arends, Faulborn, Kemp, Odor, Ponson, Molina, Orman, Mardenborough, Winterdaal, Wever, Croes, Stamper, Solognier, van den Bosch, Zaandam, Werleman, Lopez, Everon, v/d Linden, Nogra, Ras, De Cuba, Franken, Huang, Maduro, Henriquez, de Wint, Flaunia, Giel, Geerman, Angela, Brown, Williams, Peterson, Robles, Philips, Dominique, Sharp, Scott, Cheuz, de Palm, Marcano, Roos, Rafini, Daña, Maasdam, Donata, Tromp, Gomez, Provance, van den Borne, Ruiz, Quashi, Campagnard, Philips, Boemond, Morales, Romano, Oduber, Sue, Valentin, Flanders, Ceres, Gums, Perez, Hassel, Wong y demás famia na Hulanda, Merca, St. Maarten, Canada, Curaçao, Bonaire.

Ta invita pa acto di despedida di nos defunto stima cual lo tuma lugar Diahuebs 7 di April 2016. Nos defunto stima lo ta reposa na Misa Inmaculada Concepcion na St. Cruz for di 2or pa 4or di atardi, saliendo pa Santana na Sabana Basora.

Adres pa Condolencia: Royal Funeral Home, Diarazon 6 di April 2016 di 7'or pa 9'or di anochi.

Nos disculpa si den nos tristeza nos por a lubida algun miembro di famia y alavez nos ta lamenta cu despues di entiero nos no ta ricibi bishita di condolencia na cas.



Dios ta amor... y amor ta Dios. "Maske mi no ta na e mundo aki, tur dia lo mi ta banda di boso curazon, mi por stens di loke Señor ta haci"
Salmo 33

Cu inmenso tristeza den nos curazon nos ta participa fayecimento di:



Francisca Petronilia Koolman-Maduro

Mihor Conoco como "Sita" of "Mama Sita"

*04-06-1951 – †02-04-2016

Acto di entierro lo wordo anuncia despues.



*"Señor ta mi wadador, mi'n tin falta di nada.
Den cunucu di yerba berde e ta pone mi sosega.
E ta hibami na awa trankil, pa mi bolbe haña forsa".*
Salmo: 23

Cu inmenso tristeza den nos curazon nos ta participa fayecimento di:



Johanna Carrilho Gonzalez

Mihor conoci como "Nachi"

*27-12-1928 - † 04-04-2016

Acto di entierro lo wordo anuncia despues



"Señor ta mi wardador mi'n tin falta di nada De Serca Dios so mi alma ta na pas, ta di dje mi salbashon ta bini, E so ta mi baranca y salbashon, mi forti – nunca lo mi no tambaliá!
Salmo 62

Cu inmenso dolor a nos curazon pero conform cu boluntad di Dios, y agradecido pa tur e amor y carino cu e la duna nos, nos ta anuncia fayecimiento cristianamente di nos esposa, mama, ruman, cuña, tanta, y amiga stima:

Astrid Maritza Franken-Danies



Na number di su :

Esposo: Franklin Franken
Yiunan: Edward Franken y Genesis Zievinger

Sigwald Franken y Kimberly Hernandez

Mama: Petra Giel

Tata: † Mario Danies

Rumannan: Maria del Carmen Danies
Mario Rudolf Danies y yuinan
Mevelin y Benjamin Dijkhoff y famia
Mario y Glenda Danies-Danje
Shanila y Johnny Boekhoudt y yui
Harold y Dorinda Danies-Franken

Cuña manera ruman: Astrid Franken

Sobrina y sobrino nan: Jorge y Lily Croes
Jamiro y yuinan
Jennifer y Lorenzo Peterson y yuinan
Jenneline y yui
Joshua
Jermaine

Sobre sobrina: Jay-Liz

Sobre sobrino nan: Q-Jay, Jaynuel, Jayden, Nathan.

Tanta- y omo nan: † Arturo y Berta Danies y famia
† Petra Danies y famia
Leoncita y † Federico Donata y famia
† Daniel Danies y yui
Jossy Giel y famia
Su iha nan: Jorge Dijkhoff
Jermaine Boekhoudt
Marisol Erasmus

Su primo(a) nan, amiga y amigo nan, comer y comper tur su bisina nan, conocer nan, ex coleganan: Optima N.V., Imperial Trust, MID Int'l, Ramondt Administratie.

Grupo nan di Oracion: Misionero di Jesus, Shalom, y tur otro grupo nan Miembro nan di Lé Club

Y demas famia nan: Franken, Danies, Giel, Dijkhoff, Danje, Boekhoudt, Zievinger, Hernandez, Jacobs, Donata, Martis, Tromp, Penso, Webb, Cijntje.

Ta invita pa e acto di entierro cual lo tuma lugar Diabierna 8 di April 2016 na Misa Sta. Filomena na Paradera. E resto nan mortal di nos difunto stima lo reposa for di 2or pm pa 4 or pm na misa, despues saliendo pa Santana Catolico Pastoor Kraanwinkel na Paradera.

Ta ricibi bishita di condolencia Diahuebs 7 di April na Royal Funeral Home di 7or pa 9or

Nos ta pidi nos disculpa si den nos tristeza nos por a lubida un of mas famia o conocer. Na lugar di flor of krans un donacion pa Koningin Wilhelmina Kankerfonds lo ta altamente aprecia. Nos ta lamenta cu despues di entierro nos no ta ricibi bishita di condolencia na cas.



"Señor ta mi wardador mi'n tin falta di nada Den cunucu di yerba berde e ta ponemi sosega. E ta hibami na awa trankil, Pa mi bolbe haña forza".
Salmo: 23

Cu inmenso tristesa pero conforme cu boluntad di Dios nos ta participa fayecimento di:

Jacobo Rasmijn

Mihor conoci como "Coby"

*12-10-1941 - †29-03-2016

Na number di:

Esposa: Mena Rasmijn
Yiunan: †Livino Rasmijn
Richard Rasmijn
†Cesar Rasmijn

Nietonan stima mane yui:

Cesmar Rasmijn y Margelina Wolff
Revelino "Lino" Rasmijn

Nieta di crianza: Marybeth Rasmijn y famia

Bisanietonan stima: Ceesmartje Rasmijn
C-Jay Rasmijn

Mane bisanietanan: Aingely Wolff
Alysha

Rumanan: Fransica Ridderstap y famia
†Isolina y † Ronny Meurs-Rasmijn
Alejandro y Winnie Rasmijn-Thiel y famia
†Fan y Lina Rasmijn-v/d Biezen y famia
†Efe Rasmijn

Sobrinonan: Efe, Inchi, Franky, Jossy, Reynaldi, Rosita, Gina, Natalie, Rosita "Eileen", Stennie, Rudolfo, Strinda, Janine, Gina, Ebby, Jahaira, Rosita "Rosa" y nan famia

Suegra: Sra. vda. Maria Werleman-Geerman

Cuñanan: Marina y Jerry Franken y famia
† Juan Werleman y famia
† Meta y † Amabel Henriquez y famia
Sita y Chemmy Dubero y famia
Roly Werleman

Dina y Tom Croes y famia
Sylvester "Buchi" y Nieva Werleman y famia
Helen y Roland Angela y famia
Frank Werleman
Rustico Werleman y famia
Enrika y Jossy de Cuba y famia
Ricardo "Cadochi" Werleman y Erika y famia

Mama di nietonan: Marina Maduro

Primo y primanan, amigonan, conocirnan, bisñanan, amigonan y ex-coleganan di Post Kantoor y demas famianan .

Nos ta pidi nos disculpa si den nos tristesa nos por a lubida un of otro famia.

Adres pa condolencia: Aurora Funeral home, diahuebs 7 April 2016 di 7'or pa 9'or di anochi. Acto di entierro lo tuma lugar diabierna 8 April 2016 pa 4'or na Aurora Funeral home, saliendo pa Santana "Santa Maria" na Sta Cruz.

Nos defunto stima lo ta reposa di 2'or pa 4'or di atardi na Aurora Funeral home.

Nos ta lamenta cu despues di entierro nos no por ricibi bishita di condolencia na cas.



With deep sadness and sorrow we announce the passing in the USA of:



Roberto Antonio Sharpe

Former employee of LAGO Oil & Transport Co,
Accounting Department, Aruba

Former accounting employee of NBC Studios and
Paramount Pictures, USA

Sunrise: Aruba, July 10th 1932

Sunset: New Jersey (USA), March 26th 2016

Left to mourn are:

His wife: Mariana Sharpe-Vanterpool

His children: Roberto Antonio Sharpe
Gina Louisa Sharpe
Michael Orlando Sharpe
Juan Carlos Sharpe

His surviving brothers and sisters:

Ramon and Lucy Sharpe-Bardouille (Aruba), Louisa (Elvira) and Juan De Palm-Sharpe (Aruba), Hugo Sharpe and Jacky (Venezuela), Julieta Moons-Sharpe (Aruba), Roy and Jose Sharpe-Swart (Netherlands), Denise (Dotty) Sharpe (Netherlands), Rita De Caluwe-Sharpe (Netherlands).

Family:

In-laws, grandchildren, nieces, nephews, great nieces and nephews, cousins, godchildren, families in USA, Dominican Republic, Japan, Netherlands, Venezuela and Aruba.

The funeral service will take place on Friday April 8th, 2016 in Englewood, New Jersey (USA).

May His Soul Rest in Eternal Peace.

**Tip line 5926895
solo di pueblo @
gmail.com**

Aurora
Funeral Home

**Dios ta amor...amor ta Dios. Maske mi no ta na e mundo
aki mas, tur dia mi lo ta banda di boso curason.
Salmo 33.**

Cu inmenso tristesa pero agradeci pa tur loke e a significa pa
nos, ta anuncia fayecimento di:

Rafael Enrique Calderón Sarmiento

* 8 Oktober 1945 -†27 Maart 2016

Miho conoci como 'Erik' of 'Calde'



Na number di su esposa:

Dora Calderón Sarmiento-Ras

Su yiu: Judith & Ryan Koolman-
Calderón

Su nietanan stima: Daisy Koolman
Amy Koolman

Manera nieto: Shamil Koolman

Rumannan: Arnulfo & Yolanda Ramirez-Niño & famia.
Sofia & Humberto Letrado-Ramirez &
famia.

†Pedro & Dilia Ramirez-Fandiño & famia.
†Alberto Ramirez.

Swa & Cuñanan: Celia & †Theodoor Ruiz-Ras & famia.
Aida & †Juan de Kort-Ras & famia.
Jose & Radika Ras-Singh & famia.
Agnes Ras & famia.

Eduardo & Carol Ras-Willems & famia.

Jimmy & Rubia Ras-Haayen & famia.

Suegronan: Wilfrido & Margarita Koolman-Lampe.

Tanta di Respet: Maria Geerman-Hernandez & famia.

Su iha stima: Xina v/d Blik.

Comer y Compernan, Primo(a)nan, Sobrino(a)nan, Famianan
na Colombia, Hulanda y demas famia: Calderón, Sarmiento,
Ras, Koolman, Ramirez, Niño, Letrado, Fandiño, Gutierrez,
Barcelo, Ruiz, Singh, v/d Blik, de Kort, Noguera, Henriquez,
Geerman, Peterson, Lampe, Arends, Haayen, Chirino

Ex-colega di Aruba Painting, Chicago Bridge, Nahaar, Divi
Divi, Tamarijn & Alhambra, Fantastic Gardens & Aruba Bank
N.V.

Adres pa condolencia: Aurora Funeral Home diarazon 6 di
April 2016 di 7 'or pa 9 'or di anochi.

Diahuebs 7 di April 2016 di 9:00 pa 10:30 di mainta, response
lo tuma lugá di 10:30 pa 11:00 di mainta.

Cremacion lo tuma lugar den seno familiar.

Nos ta lamenta cu despues di entierro nos no por ricibi bisita di
condolencia na cas.

Disculpa nos si pa motibo di tristesa por a lubida cualquier otro
familiar.

**PRONOSTICO DI TEMPO VALIDO TE DIARANSON
06 DI APRIL 2016**

**COMPILA: DIAMARS 05 DI APRIL 2016 17:00 (21:00
UTC)**

TEMPO:

**DIAMARS ANOCHI: LEVEMENTE TE
PARSIALMENTE NUBLA Y NO TA SPERA AWASERO
DI IMPORTANCIA**

**DIARANSON: LEVEMENTE TE PARCIALMENTE
NUBLA CU UN POSIBEL AWASERO DEN ORANAN
DI MARDUGA Y MAINTA TREMPAN.**

**TEMPERATURA MAXIMO 32 GRADO CELSIUS Y
TEMPERATURA MINIMO 26 GRADO CELSIUS.**

**SOLO LO BAHAWA NOCHI 06:52 PM Y LO SALI
MAYAN MAINTA 06:33 AM.**

**BIENTO: FOR DI GENERALMENTE DIRECCION
OOST Y MODERA TE BASTA FUERTE; FORSA 3 TE
5 (12 TE 39 KM/ORA, 7 TE 21 NUDO) DE BES EN
CUANDO POSIBLEMENTE FUERTE DEN RAFAGA;
FORSA 6 (40 TE 50 KM/ORA, 22 TE 27 NUDO)**

SITUACION GENERAL DI TEMPO:

**EXSTENSION DI UN AREA DI PRESHON HALTU
RIBA ATLANTICO TA MANTENIENDO WEER
GENERALMENTE SECO.**

**SINEMBARGO, POR SPERA UN AWASERO
PASAJERO DEN ORANAN DI MARDUGA Y MAINTA
TREMPAN; SOBRA DI DIA NO TA SPERA AWASERO
DI IMPORTANCIA Y E SECURA ACTUAL LO
PREVALESE. MAS ALEU, STOF FINI PROCEDENTE
DI SAHARA LO STROBA VISIBILIDAD UN POCO
DEN PROXIMO 24 ORA.**

CONDICION DI LAMA:

**OLANAN DI LAMA LO TA FOR DI DIRECCION OOST
CU HALTURA DI 3 TE 5 PIA**

**TEMPERATURA DI SUPERFICIE DI LAMA 27
GRADO CELSIUS.**

**REGISTRACION DI TEMPERATURA (CELSIUS) Y
AWACERO (MM) DEN ULTIMO 24 ORA :**

AIRPORT MAX 32 / MIN 26 / 0.0

HADICURARI MAX 30 / MIN 26 / 0.0

PRONOSTICO DI TEMPO PA PROXIMO DIANAN:

**PARCIALMENTE NUBLA CU UN YOBIDA PASAJERO
DEN ORANAN DI MARDUGA I MAINTA TREMPAN;**

**SOBRA DI DIA NO TA SPERA YOBIDA DI
IMPORTANCIA. STOF FINI DI SAHARA LO OBSTRU
VISIBILIDAD UN POCO BIENTO LO TA FOR DI OOST
Y LO TA MODERA TE BASTA FUERTE, DE BES EN
CUANDO POSIBLEMENTE FUERTE DEN RAFAGA.**

TEMPERATURA MAX/ MIN LO TA: 33/27

Flinx Recruitment Expo Dutch Caribbean (FRED)



E aña aki, pa di cinco aña consecutivo, lo organisa FRED Expo dia 26 te 29 di Mei na WTC-Beurs na Rotterdam, Hulanda. Flinx Recruitment pa 9 aña caba ta specialisa den connecta empleado nan na Aruba y den e area Caribe Hulandes cu profesional nan den exterior. Ta trata aki particularmente di profesional nan local cu a termina nan estudio na Hulanda y cu ta desea di bin traha bek na nan isla natal. E meta di e evento aki ta pa duna profesional nan, graduado nan, y estudiante nan cu ta den e fase final di nan estudio, y estudiante nan cu kier hasi un stage e oportunidad pa bin den contacto cu empleado nan di Caribe Hulandes.


E aña aki FRED ja caba ta conta cu presencia di mas di 20 compania y organisacion cu lo ta presente for di Aruba, Bonaire, Curaçao, Sint Maarten, Suriname y Hulanda. E evento nan di FRED 2016 ta inicia diahuebs dia 26 di Mei,

cu un Comemento cu Compania. Durante e comemento aki, profesional nan local lo haya e oportunidad pa sera conoci cu representante nan di e diferente compania nan participante. E Job Fair cual ta e 'highlight' di e evento aki ta tuma lugar Diasabra 29 di Mei na WTC-Beurs Rotterdam cuminsando for di 11 or di mainta te cu 6 or di atardi. Durante e Job Fair, bishitante nan por pasa na e diferente stands di e compania y organisacion nan participante pa haya mas informacion tocante nan posibilidadnan laboral. Lo tin diferente actividad pa estudiante nan y profesional nan riba e dia aki, manera workshops y simposio. FRED 2016 ta conclui riba Diadomingo 29 di Mei cu Company Interviews, caminda e compania nan participante ta haya e oportunidad pa conduci one-on-one interviews cu candidato nan di nan seleccion.

E aña aki na FRED lo tey

presente compania nan manera KPMG Dutch Caribbean & Suriname, KPMG Meijburg Caribbean, SOAB, Deloitte, St. Elisabeth Hospitaal, HBN Law, BearingPoint Caribbean, PwC Dutch Caribbean, Kooyman, Mental Health Foundation of St. Maarten, White Yellow Cross of St. Maarten, Ictual, pa menciona algun. Ademas tin varios otro organisacion social y estudiantil cu tambe lo ta presente pa duna informacion riba e dia aki.

Si bo ta interesa pa participa na FRED 2016 of si bo tin familiar of conocir nan cu lo kier bin traha na nan isla natal, por bai riba e website di FRED www.fredexpo.com y registra prome cu 12 di Mei 2016. Percura pa bo yena bo CV completamente y registra pa e company dinner, workshops, simposia y interviews. Registracion y participacion ta completamente gratis, pues no perde e oportunidad unico aki!



**Club Trappers,
pa tur ocasion!**

748-8280

**Club ta airco,
comodo pa
cualquier evento**